

中華民國二十年六月

安東縣誌

王介公



安東縣志卷三目錄

政治

沿革 本縣建置緣起

官廳

會所

教育

教育公所

縣視學

教育會

義學

學校

附外國設立各學校

社會教育

圖書館

報社

學田

修訂會 義學 學好禮記 禮記公序 國朝訓

禮記 本朝世祖編註 官職 會禮

禮記

本朝世祖編註二日錄

安東縣志卷三

政治志

沿革

唐爲青州之域

禹貢曰海岱惟青州孔安國傳云東北據海西南距岱孔氏正義海非可超而言據者東萊東境之縣浮海入海曲之間青州之境非至海畔而已故言據之疏云堯時青州當越海而有遼東按古時青州之域極大兼今奉天遼河以東及朝鮮國境皆其地

虞舜時屬營州

中古之地但爲九州舜肇十有二州分青州東北遼東等地爲營州

夏復九州仍屬青州

商仍屬營州

爾雅釋地九州齊曰營州郭璞注自岱東至海此蓋殷制釋文云爾雅營州爲禹貢之青州堯時青州越海而有遼東舜分青州爲營州營州即遼東也爾雅營州之境與禹貢青州同

周爲朝鮮界濊貊居之

通志建置沿革考鳳凰城周朝鮮界本濊地

戰國屬燕

史記朝鮮列傳自始全燕時嘗略屬真番朝鮮爲置吏築鄣塞三國志東夷注魏略云昔箕子之後朝鮮侯見周衰燕自尊爲王欲東略地朝

鮮侯亦自稱爲王欲興兵逆擊燕以尊周室其大夫禮諫之乃止使禮西說燕燕止之不攻後子孫稍驕虐燕乃遣將秦開攻其西方取地二千餘地至滿潘汗爲界說文沛水出遼東番汗塞外漢書地理志番汗縣屬遼東郡按番汗當今朝鮮京畿道國城西北疑卽戰國時燕與朝鮮之界

秦屬遼東郡

通志秦滅燕遣蒙恬略定東陲以其地置遼東西郡史記朝鮮列傳秦滅燕屬遼東外徼漢興爲其遠難守復修遼東故塞至泃水爲界

漢初屬燕國

史記盧縮列傳漢五年八月立盧縮爲燕王三國志東夷注漢以盧縮

爲燕王朝鮮與燕界於涓水

按漢魏時代之涓水今之鴨綠江非朝鮮境內之大同江也說見辭源

漢武帝元朔元年歲君南閭等來歸以其地置滄海郡三年罷之

通鑑輯覽漢武帝元朔元年歲君降注歲即濊貊今奉天府鳳凰城以東皆其地

漢武帝元封三年平朝鮮置眞番臨屯樂浪玄菟四郡屬玄菟

按眞番郡今鴨綠佟佳兩江及興京附近之地昭帝時併入玄菟郡通志今奉省金復海蓋鳳岫莊安諸縣皆漢之玄菟郡地

漢末公孫度據遼東自號平州牧縣境屬之

魏屬平州後合爲幽州

魏明帝景初二年司馬懿討平遼東公孫淵分爲平州後還合爲幽州

晉隸平州

按通志晉初高句麗略遼東尋復之改爲遼東國後仍隸平州

東晉太興二年爲慕容廆所據太和五年屬苻堅太元十年屬慕容垂尋屬高句麗後魏周均屬高句麗

北史高句麗傳後魏時其國東至新羅西度遼二千里蓋後魏時遼東玄菟故地盡屬高句麗矣

隋屬高麗慶州地

唐總章初平高麗屬安東都護府後屬渤海爲東京龍原府

盛京通志鳳凰城渤海時爲東京龍原府按新唐書渤海傳獺貊故地爲東京曰龍原府沃沮故地爲南京曰南海府高麗故地爲西京曰鴨

淶府又云龍原東南瀕海日本道也南海新羅道也鴨淶朝貢道也據此渤海東京當在今朝鮮東境瀕日本海渤海西京當在今鴨綠江左右再以方位度之西京東京自宜東西相對如鳳城之地爲渤海東京則渤海西京在今奉省何地疑今鳳城以東鴨綠紅左右爲渤海時西京鴨淶府地未知是否

五代後唐時仍屬渤海明宗天成三年契丹陷平州又陷營州地遂入於遼

遼初隸東平郡後置開封府開遠軍尋更名鎮國軍屬東京道

金石城縣地屬東京路

按金太祖志在中原准高麗王之請以抱州與之而以鴨綠江爲國界凡金之全境與高麗相接之地均以鴨綠江爲界

金史朝鮮史備載

之是鴨綠江爲中高國界自金太祖始

元屬東寧路

明為宣城衛暨鎮江堡地屬遼東都指揮使司

按明時遼東置衛二十五置遼東都指揮使司統領諸衛縣境於永樂

十二年九月置宣城衛

通志在鳳凰城東南與鴨綠江相近今縣西南七十里第八區宜城村有宣城遺址

萬曆中置鎮江堡

通志在鳳凰城東南一百二十

里與朝鮮分界處今縣東北一區九連城有土城遺址即鎮江堡故地明萬曆四十七年熊廷弼經略遼東請集兵分布鎮江等諸要口天啓元年清兵下遼陽河東大小七十餘城皆望風降未幾清鎮江守將陳良策潛通於明將毛文龍引兵取其城清太祖命二貝勒阿敏同四貝

勒率總兵副參等官引兵三千人遷鎮江沿海居民於內地由是縣境遂空

清初與朝鮮以鴨綠江為界為邊外巡防地隸岫巖城守官乾隆三十七

年隸岫巖城理事通判道光七年改為岫巖鳳凰城海防通判轄境光

緒二年析大東溝以東至鑿河地置安東縣隸鳳凰廳

中華民國因之屬東邊道

本縣建置之緣起

安東未設治前原爲邊外荒土荒設卡倫每年四季由內外城城守尉防守尉協領內按季各派員帶領官兵統巡邊之內外卡倫境界查拏偷砍木植私挖人蔭偷打鹿茸賊犯道光二十六年朝鮮國王咨報饜陽江兩岸有山賊結舍墾田之事具奏欽差大臣會同將軍親臨查辦定擬章程以匪民出邊春種秋收正可焚舍毀田將統巡官改爲春秋兩季各查四個月與朝鮮國員會哨至二十八年將軍奕湘以賊犯砍木冬砍夏運無員稽查又奏請將統巡官歸復舊制仍按四季出派往巡三個月奉諭凡嗣後奉天東邊內外新舊卡倫二十四處官兵著照議爲六個月更換一次至派員巡查仍照舊章按季出派一員作爲統巡認真稽查迨同治初

山東遭捻匪擾亂人民浮海避難來者漸次增加私自開墾同治六年民人何名慶等呈請升科盛京戶部侍郎額勒和布等據以入告經王大臣會議與其守例而諭禁兩窮何如就勢而撫綏較便欽派侍郎延煦等出邊查勘旋由將軍都興阿派員履勘邊外各地於近邊一帶准升科熟地五十餘萬畝迤南之東溝各處舊有匪徒盤踞私立鋤錢鋤稅各名目任意苛徵且負隅抗拒內地馬賊視爲逋逃淵藪光緒元年將軍崇實調集天津及古北口馬步隊會同本省捷勝營練兵合力兜剿將積年巨憝宋三好等匪殲除淨盡流民均經向化奏請邊地普律升科奉旨但凡認地耕種者無論旗民一體編入戶口冊籍卽派在籍知府恒泰候補知縣張雲祥等在鞍子山

今改名安民山

各處設局開辦升科納稅等事商民人等請在沙

河子地方選擇地基蓋造鋪屋爲經久之計光緒二年正月二十四日奏請設立安東縣此本縣沿革及建置之概略也

歷任知縣知事

張雲祥 四川華陽人軍功光緒二年二月任見名宦

耆齡 字松年蒙古正藍旗人咸豐戊午舉人光緒三年八月由金州

同知調署安東二十八日到任六年五月二十六日奉文實授九年十

二月去任見名宦

高乃聽 字述菴浙江會稽人光緒九年十二月任

張不續 字次宣直隸寶坻人進士光緒十一年二月二十七日任

徐鏡第 字芙卿浙江德清人監生光緒十三年三月初八日任十五年

六月升補興京撫民同知七月二十六日交卸

吳鼎澂 字子清江蘇武進人光緒十五年七月二十六日護理九月十

二日交卸

盛昌華 字緯臣湖南武陵人光緒癸未進士光緒十五年八月由錦縣

調署安東九月十二日任見名宦

李葆善 字慶軒直隸永年人光緒丁丑進士光緒十六年六月二十六

日任

潘文鐸 字左階廣東駐防旗人翻譯進士光緒十七年二月初二日任

十八年正月初一日交卸

何守謙 字竹銘廣東富順人進士光緒十八年正月初一日任十九年

六月初七交卸

陶應潤

字霖甫浙江紹興人寄籍直隸朝陽縣光緒十九年六月初七

日代理七月初二日交卸

高嘉和

字藹人直隸任邱人光緒十九年七月初二日任二十年二月

初九日交卸

徐本愚

字芾堂浙江德清人光緒二十年二月初九日任是歲秋中日

戰起進兵朝鮮縣境當轉輸輜重衝途車馬疲於供應不勝其苦遂辭

職九月十三交卸

榮

禧

字筱峰滿州正白旗人光緒二十年九月十三日任二十七日

我師及日人戰於虎耳山敗績安東失守公乘夜帶印走寬甸自是日

起日人踞安東縣署至二十一年十月十五日止其間安東知縣無人
和約成日軍始退出

按榮公蒞任之月正中日交戰之時九月二十七日虎耳山之戰我師敗走安東隨陷榮公晚間攜印
奔寬甸與團練會長姜天福率勇抵禦日軍却之二十一年正月上諭裕祿奏查明失守地方各員開
單分別參辦並自請議處一摺奉天鳳凰城等廳州縣地方官均未能竭力守禦咎有應得所有單開
劉繼勳等五十九員均著革職查辦按律分別治罪前經降旨將東邊道宜麟鳳凰城城守尉佑善署
鳳凰廳同知章越署安東縣榮禧革職查辦尙未奏著裕祿迅速拿辦按律治罪毋稍遲緩嗣以榮公
雖有失守安東之罪而有守禦寬甸之功將功抵罪得蒙開復後公久任寬甸頗著政聲云

高 欽 字仲森河南汲縣人舉人光緒二十一年十月十六日任二十
二年二月二十五日交卸

劉 輝 字景陶湖北黃陂人光緒二十二年二月二十五日任二十三

年八月二十日交卸

增 韞 字子固蒙古鑲藍旗人光緒二十三年八月二十日任二十四

年升任承德縣六月初二日交卸後歷官至浙江巡撫見名宦

成 梁 字子材蒙古正白旗恒壽佐領下人光緒二十四年六月初二

日增公交卸護理四日

秋桐孚 字霞峰浙江山陰人光緒二十四年六月初六日到任二十五

年九月初六日交卸

吳瞻莪 字芸士安徽涇縣人光緒二十五年九月初六日任治獄嚴峻

發奸擗伏如神奸慝斂迹庚子拳匪之煽亂公以正道開說愚民故安

東未釀巨患時盜賊充斥公奉督撫檄飭認真舉辦團練嚴加防禦捕

送者痛治之盜賊少息辛丑五月僞忠義軍林七黨鄭蘭亭等二十七人竄擾安東捕盜營兵皆附和之無與抗者街市大亂賊匪直趨縣署劫監獄勢甚猖獗公束手無策倉遑走出登舟浮江渡海避居山東煙台坐是罷職七月初六日交卸

徐之慶 字瑞安直隸臨榆人光緒二十七年七月初六日任二十九年五月初一日交卸

高 欽 見前光緒二十九年五月初一日再任安東三十年九月二十五日丁憂公先後治安執法嚴明遇務能斷事無不舉尤善折獄共稱循良甲辰日俄交戰俄軍敗走日人佔據安東築鐵路立倉庫並於六七道溝一帶民地開通市場修蓋房屋公以丁憂去職民人以公賢良

必能爲民保障上書大府挽留照准以安東巡檢成梁護理安東縣委高欽辦理安東交涉兼督辦安東地方緊要事宜詎意利慾薰心大反昔日所爲蒙上欺下辦理交涉惟外人之命是從貽地方無窮之禍迨事成而後上稟大錯已鑄雖有善者莫能爲力高公之肉其足食乎先是日人強佔六七道溝自知違背條約公理難容不可久居遂出給價收買之策當時辦交涉者宜據理與爭爭之不得則稟請上憲指示辦法可也乃計不出此聽信其門房劉錫廷及奸人王化成之謀於乙巳三月間傳諭六七道溝界內鄉保追取各戶地照鄉民不知其故未敢抗違一一呈交縣署調齊契據悉數送交日本軍政署是歲八月日本市政准備委員會遽行按所送地照強買界內民戶各地逼令領價民

人至縣聲訴置之不理且差役協同兩牌鄉保帶領日兵二十餘持槍械繫繩索蜂擁各戶門首聲言買地逼令畫押男子外出逼令婦女代畫刻不容緩當交洋字執照限三日內領價不遵者即指爲俄國偵探帶歸司令部按軍法辦理民人惶恐復至縣控告仍置不理民失所恃俯首遵辦領價者有之然每畝給價無幾昔日膏腴連阡陌一旦貧無立錐流離遷徙怨聲載道懦者忍氣其黠者或欲得而甘心焉日人保護周至無隙可乘去之日囊橐纍纍日人送之出境民人至今切齒咸呼爲高錢裕子云

成梁 見前光緒三十年十一月二十二日由巡政廳護理安東縣事
三十二年閏四月初四日交卸

屠義瀚 字挹清湖北孝感人附監生光緒三十二年閏四月初四日任

三十三年十月二十七日交卸

吳光國 字清華江蘇武進人光緒三十三年由輯安調署安東十月二十七日任宣統元年閏二月革職二十二交卸

按光緒三十四年春安東創辦鄉校因師資缺乏招考塾師五十餘人入師範傳習所肄業至秋均與憑至各鄉辦學教員薪金夫役雜費由縣規定按月呈領年終應領五個月實僅發三月餘悉靳不發教員多係客籍時屆年終寄居逆旅因迫不堪合辭再三呈領以濟困窮奉批設館授餐本爲寒士學業地步甫經畢業與憑試辦鄉學思所以開風氣培子弟也年假期內正可羣相琢磨爲投時利器詎料斤斤學資罔思名義本監督初未料及有今日耳當在第二學堂面諭明年四鄉小學堂經費無出即令鄉保先行籌有的款再爲稟派教員以免貽誤此批詎翌年正月自提公款三千兩晉省營謀兼攝安東商埠警察提調一職瀕行出手諭一紙斥責教員多不稱職應領之款仍不發給鄉校因以停頓輿論譁然當是時前大總統徐公總督東省得悉即以玩視學務不治輿情奏參革職由是屏處省

垣終不復起

鄒維麟 字伯棠浙江會稽人監生由沙河稅捐局委員代理安東縣事
宣統元年閏二月二十二日任五月二十一日交卸

陳 藝 字漱六江蘇宜興人監生報捐縣丞因勸辦賑捐出力免補本
班以知縣分省補用歷署海城東豐知縣宣統元年閏二月調署安東
五月二十一日任三年三月十六日丁憂交卸

壽鵬飛 字洙鄰浙江會稽人光緒癸卯科優貢廷試一等第一宣統三
年三月由吉林農安知縣委署安東十六日任是年六月初八日調省
委任東三省屯墾局調查科科長十八日交卸

熊 埴 字述陶江西高安人實授臨江知縣宣統三年六月由海城調

署安東十八日任民國三年五月以驗發新契不力撤任五月三十一日交卸見名宦

冉楷 字式齋直隸清苑人光緒丙午科優貢廷試二等簽分奉天歷署莊河同知柳河西豐各縣知事民國三年五月派署安東知事六月一日任九月奉飭調省另有差委十月一日交卸

齊鎮東 字遇文直隸樂亭人直隸法政畢業民國三年二月應內務部第一屆知事試驗及格指分奉天九月委署安東知事十月一日任十一月調署寬甸十二月一日交卸

程廷恒 字守初江蘇崑山人民國三年十一月由寬甸調署安東十二月一日任五年十二月調署復縣六年一月三日往復縣委科長鄒碩

輔代理一月十八日交卸見名宦

蘇鼎銘 字詠新湖南長沙人軍功民國五年十二月由復縣調署安東

六年一月十一日任是年八月四日因病請假就醫奉省令委第一科

長張維周代理

張維周 字叔屏吉林長春人分奉縣知事安東縣公署第一科長民國

六年八月四日蘇知事因病請假就醫奉省令委任代理安東縣知事

十月四日調署康平縣十一月五日交卸

冉楷 見前民國六年十月由康平調署安東十一月五日任十二月

調署鐵嶺七年一月十一日交卸

陳藝 見前民國六年十二月由鐵嶺調署安東七年一月十一日任

八年六月辭職二十四日交卸見名宦

倪泰

字清和浙江紹興人分奉知事民國八年六月二十四日任遇

李登江聚衆措置失宜九月二十五日調省查看十月十一日交卸

林國楨

字湄江浙江紹興人曾任海龍知事奉天警務秘書總務科長

民國八年十月十一日任十一年三月調署遼中四月十九日交卸見

名宦

關定保

字義安奉天遼陽人宣統己酉科拔貢民國十一年三月由遼

中調署安東四月十九日任十四年六月調署瀋陽縣十一日交卸見

名宦

姜承業

字敬齋奉天金縣人奉天講武堂畢業歷充北鎮開原沙河等

處稅捐征收局長民國十四年六月七日奉委署安東縣知事十一日
任十五年五月升任熱河特別區財政廳長十六日交卸

俞榮慶 字偉忱浙江紹興人民國十五年五月由臨江縣調署安東十
六日任是年十二月交卸

王瑞芝 字輯五奉天遼陽人民國十五年十二月由鳳城縣調署安東
現任知事

王 杼 字寄青奉天遼陽人民國十六年十月任

歷任道員

記載自徙治安東始
以前在鳳城者不入

張錫鑾 字金波原籍浙江錢塘人清光緒二十九年十二月二十六日
再任東遼道三十二年十月自鳳城徙治安東見名宦

錢鏐 字紹雲江蘇陽湖人光緒壬午舉人三十三年正月二十四日任見名宦

祁祖彝

江蘇上海人清光緒三十四年正月十七日任

沈桐 字鳳樓浙江德清人清光緒三十四年六月初六日任宣統元年二月二十九卒於任所

沈承俊 字宜蓀浙江桐鄉人清宣統元年閏二月十五日任

錢鏐 見前宣統元年六月二十九日再署東邊道七月初一日東邊道改名興鳳道

趙臣翼 字燕蓀順天大興人原籍江蘇丹徒宣統元年十一月初二日任

李澍恩 字季康江蘇無錫人宣統三年六月初二日任

俞明頤 字壽臣順天宛平人宣統三年八月二十日任

錫齡阿 字紹彭 民國元年七月十九日任

王永江 字岷源奉天金州人民國元年十月十七日任

朱淑薪 字荷宜直隸灤縣人民國元年十二月五日任二年三月一日

興鳳道改名東路觀察使三年七月一日東路觀察使改名東邊道尹

談國楫 字保帆廣東駐防漢軍鑲白旗人光緒乙未進士改翰林院庶

吉士民國三年十月十九日任

方大英 字梅生湖南岳陽人民國四年八月十三日任

何厚琦 字子璋山西靈石人民國九年三月十三日任

王順存 字理堂河南商城人民國十年四月八日任見名宦

廖彭 字鏡如貴州獨山人民國十二年十二月六日任十三年三月

卒於任所

李師恩 字季和五縣人官至三平六日任二月廿

現任東邊道尹

邴克莊 字敬如奉天盤山人民國十三年四月二日任

巡檢管典史署 原在今道署街舊縣署右側稱爲右堂即今旅部所駐地清光緒十一二十四各歲迭遭水患坍塌重修光緒三十年日俄之戰該縣爲日軍佔駐嗣設日新學堂於其中典史失其衙署借居縣署花廳爲辦公之所光緒三十二年東邊道張錫鑾兼安東開埠局總辦由鳳城移駐安東無棲止辦公之地遂向日本軍政官索還安東典史署略加修葺權居其中三十三年東邊道錢鏞蒞任以典史衙署業已改設道署典史借居縣署亦非久計呈請督撫在今縣署前新建典史署宣統三年三月杪奉文裁缺地爲教育公所佔用

歷任巡檢管典史事

勞臣勳 字麟閣順天大興人光緒六年五月初七日到任試署一年期

滿由縣詳請實授八年三月奉文實授十年七月十六日奉文交卸

劉國藻 字靜安順天武清人由庠生襲襲儀衛主簿父琨圃選奉天教

職隨侍東來借補安東巡檢光緒十年七月十六日任十一年三月十

二日交卸

勞勳臣 見前光緒十一年三月十二日奉委再任安東巡檢十九年正

月十九日在任病故出缺

廖世榮 湖南人光緒十九年二月二十三日任二十年四月十五日交

卸

俞寶仁 字楚臣浙江山陰人光緒二十年四月十五日任因軍務契緊於九月十三日交卸十六日奉札押解安東監犯越岫巖寄禁交代明白進省銷差奉委代理承德縣典史二十一年閏五月改爲署理十二月飭回安東縣巡檢本任二十四日到任二十二年二月十一日聞訃丁憂

耿蓋臣 字德卿安徽壽縣人光緒二十二年四月初八日任八月初六日交卸

成 梁 字子材蒙古正白旗恒壽佐領下人監生光緒二十二年四月署理安東縣巡檢八月初六日到任二十四年閏三月初八日奉文實授宣統二年正月初六日因囚犯越獄撤任二月十五日交卸在任最

久光緒三十年十一月二十二日起三十二年閏四月初四日止曾護理安東縣事

林鴻 字鏡明四川人宣統二年二月十五日任三年三月三十日奉文裁缺

分防太平司巡檢署 清光緒二十五年九月由東邊道榮森稟請奉天將軍增祺於光緒二十六年四月二十七日附片奉請設立奉

硃批該部議奏六月十二日吏部戶部禮部刑部工部會議具奏奉

硃批依議欽此二十八年二月由省檄委承德縣典史張振鵬署太平司巡檢員缺衙署飭令自行修建欸項部定一千三百兩勘估不足未能動工二十九年購買民房二十八間地基一段計地三畝分坐落大

東溝街東首大道南稍爲修葺以爲辦公之所宣統三年閏六月初六日奉文裁缺所遺官房由商務分會代爲經理旋於民國二年舊歷四月初二日海嘯將該官房沖倒十四間三年六月陰雨連綿所遺官房十四間又復坍塌殆盡是歲六月十一日東溝大火警察分署房屋十八間悉被延燒經商會呈請縣署將分司贖餘房木檢修警署再知事照准房基責令商會保管以重官地

歷任分防太平司巡檢

張振鵬 字程九順天大興人光緒二十八年二月初二日由承德縣典史調署安東縣新設太平司巡檢三月十八日到任二十九年十二月十四日交卸

隆 釗 京旗人光緒二十九年十二月十四日到任三十年十二月二十七
日丁憂三十一年三月十三交卸

劉 燮 雲南會澤人光緒三十一年二月二十五日到任三十三年十
月考入京師法律學堂二十七日交卸

徐士騏 浙江德清人附監生報捐巡檢光緒三十三年十月二十七日
到任宣統元年十月初三日交卸

王開振 直隸冀州人吏員宣統元年六月初三日到任三年六
月初六日奉文裁缺交卸

官廳

東邊道尹公署 在道署前街原在鳳城縣內上帝廟前清光緒三年正

月署盛京將軍崇厚奏准設立分巡東邊兵備道一缺駐紮鳳凰城迨光緒三十二年安東開辦商埠東邊道張錫鑾兼開埠局總辦始由鳳城移駐安東權借安東典史署畧加修葺以爲辦公之所共房二十八間三十三年復經錢署道因不敷居住於兩旁隙地添築廂房二十餘間經費仍由開埠經費項下動支三十四年署東邊道沈桐以安東華洋萃處道署因陋就簡非建築新署不足以壯觀瞻而肅體制查該署東偏有安東縣署舊基地一區可作道署之用先建中廳及後罩樓各一座配房二十二間未及告竣因病出缺中經沈錢二道迄未竣工宣統二年興鳳道趙臣翼接續添修各房是歲十月落成東邊道於宣統元年七月一日改爲興鳳道民國二年三月一日改爲東路觀察使三

年七月一日始改今名清時署內設吏戶禮兵刑工六房及承發房歷選經書七名光緒三十三年正月遵令裁撤六房留經書一名辦理道署各房公事另僱書手數名民國三年七月遵章改組道尹公署分設總務內務財政實業教育等科以道尹兼安東交涉員另設外交科專辦交涉事務各科設科長一實業教育科長由總務內務科長兼任科員無定額衛兵八夫役十二民國十五年度增加經費外交科分設三科曰歐美科民事科刑事科各設科長一科員一餘科仍舊是歲八月添修東西二轅門頗壯觀瞻而大門圍牆映壁亦皆重加修理煥然一新常年經費二萬餘圓

安東海關監督公署 見財政門

安東警察廳

查安東商埠警察初辦於前清光緒三十二年溯自日俄戰事告終協訂和議我國乃依據條約闢安東大東溝爲通商口岸設立巡警以資保衛名爲安東大東溝商埠巡警總局（局址在本埠興隆街道南現青年會對過嗣後該局房改設安東地方審檢兩廳未幾由該廳售於政記公司）按當時華北警政以北洋爲模範經

奉天將軍次珊趙公咨行北洋指調熟諳警政之人員黃公慶階來奉專任其事蒞奉之初卽奉委爲安東商埠巡警總局總辦並兼理大東溝商埠警察事宜黃公捧檄來安卽從事規畫總局內設六科（曰籌備曰文牘曰衛生曰裁判曰工程曰出納）四隊（曰差遣曰消防曰探訪曰衛生）一所（曰值日公所）兼設屠獸場暨收捐處以裕餉源此

外更內設講堂外設摻場講堂聘留學東洋專門警察人員充任教授
並委助教二員摻場派督摻一員幫摻二員以共負教練責任外則劃
本埠爲四區大棗溝爲二區(從略)本埠第一區設置於舊中江局右
側和順棧院內第二區設置於財神廟街(現廟址迤南)第三區設置
於迎鳳街(即現廳址)第四區設置於于家溝裏(即舊理教公所)每區
計設區長一(即現署長)副官一(即現署員)巡計一(若現僱員然巡
長八伙夫八雜役二警額則胥以八十名爲率至是內外規莫均已大
備矣按安東本我國東鄙邊地是時適當戰事甫經告終日軍之留駐
於埠內者尙復不少更兼收撫之忠義軍駐防埠內野性難訓動輒滋
生事端而黃公高瞻遠矚幾經艱鉅卒能措置裕如於以歎知人善任

我次師之有造於我安東者良非淺鮮也迨宣統元年八月奉扎以鄉鎮巡警歸併商埠巡警局兼轄改稱爲安東商埠兼鄉鎮警務局另委徐鼎爲警務長嗣宣統三年五月又奉扎改爲安東縣警務長公所民國肇造至二年春奉劃一警察官廳令始定今名廳內分設總務行政司法衛生四科組織差遣衛生消防偵緝各隊及改設第一第二第三警察署民國三年經民政長指令將內部重新釐訂並經本廳一再呈擬樽節辦法報請改組民國六年十一月各署建設分署所並三等警改爲六等警其長警額數仍舊民國七年十一月東坎子增設第三署而大東溝之第三署改爲第四署民國十年奉直第一次戰爭添設保安警衛隊二十名戰事告終裁撤十名餘改爲正警十二年二次奉

直戰添設保安警衛隊二十名至今相沿茲將現在廳內職官員役名額暨所轄各隊署員人數分列如左

廳內職官員役 廳長一督察長一督察員二總務行政司法衛生四科科長各一一等科員四二等科員四收支員一庶務員三中西醫官各一統計員一收捐員一技師二譯員一戶籍科員一收發員一教練員一書記長一管卷員一一二二三等僱員共十六廳役十茶夫一統計職官員役五十七

警衛隊 隊長一巡長二巡警四十

偵緝隊 隊長一偵緝四

消防隊 隊長一隊警二十五互見慈善門

衛生隊 隊長一 巡長二 夫役四十 火夫二

保安隊 大隊長一 隊長一 書記長一 巡長四 巡警三十六

第一署 署長一 署員一 巡記長一 巡官二 巡長七 巡警八十九 夫役一

火夫十

第二署 署長一 署員一 巡記長一 巡官二 巡長九 巡警七十九 炮夫一

署役一 火夫五

第三署 署長一 署員一 巡記長一 巡官一 巡長四 巡警三十七 夫役一

火夫五

第四署 署長一 署員一 巡記長一 巡官二 巡長一 巡警十八 火夫二

各署設立分署所數目及駐在地詳見區劃門

警察廳全年經費 分經常臨時兩費以十四年預算數爲十一萬二千一百七十八圓爲標準歷年雖有增減無大軒輊由商埠警務收捐處支銷

商埠警察教練所 附設警察廳內民國十一年四月成立每班以三十人爲足額六個月畢業教練科目警察要領刑法大意違警罰法外事警察現行法令戶口調查法勤務須知軍事學大意日語武術操練至今已畢業六班

歷任安東警察總辦暨廳長

黃慶階 字深父山東濟寧縣人（原籍曲阜縣）前清光緒三十二年四月任此爲第一任總辦宣統元年八月交卸

高雲崑

字芷玉奉天遼陽人民國二年二月由警務長升任此爲第一任廳長十年三月交卸

張貴良

字舜卿山東利津人民國十年三月任十二年一月交卸

陳奉璋

字徽五奉天鐵嶺人民國十二年一月任十五年一月交卸

現任廳長

姜全我

字孝風奉天金縣人民國十五年一月十一日任

附警察廳建築落成牌

民國十年改建廳宇高樓巍然頗壯觀瞻立牌庭中以作紀念

安東警察廳建築落成記

事必有所創而後有所因然亦有以因爲創者始基之立即前功之竟也安東開埠設警迄茲十有五載其間

迭經改組政繁費絀而廳宇數楹仍沿簡陋外觀之飾未遑也乙卯以還歲入漸增歷有盈餘實維商會會長王君建極李君璽等助力爲多洎今年辛酉綜計節存合得四萬餘緡前廳長高君雲崑鑒於署舍之湫隘提請建築而奉天財政廳長王公永江警務處長王公家勳俱報可方事相度高君又選官去適良來承乏竊以此觀瞻攸繫未容緩也遂請准東邊道尹王公順存剋期鳩庀凡七閱月而工竣崇墉煥然規模略備創歟因歟巔末固未可忘也監其事者道委拍方濬暨本廳勤務督察長金世銘而總務科長蔣齡益亦與有勞焉例得類書

中華民國十年十二月安東警察廳廳長張貴良撰

鴨渾兩江水上警察廳

在菜市街南首宣統元年十二月由署興鳳道

錢鏐呈請設立鴨渾兩江營業警察旋奉批飭改爲鴨渾兩江水上警察

總局三年改稱警務公所民國二年遵教令改組鴨渾兩江水上警察廳
三年奉令仍改爲水上警察總局內設行政司法兩科各置科長一督察

長由司法科長兼充委員三警衛隊長一僱員一外設警察局四分局十
局設局長局員分局設分局長僱員相沿十年局務仍舊迨十二年六月
于局長接事創設更條籌辦渡口收船捐及捕盜糧捐經費增加添置巡
船礮艦

原有巡船十二鎮安艦一新
撥靖海礮艦一大巡船二

追加沿江長警於十四年六月呈准省署仍舊改

組廳署七月一日實行成立內設總務司法行政衛生四科各設科長一
收捐主任一警衛隊長一科員二繙譯一僱員七外設署五分署十二
卡倫局一分駐所一署設署長署員分署設巡官及僱員卡倫局設局長
一分駐所長由警衛隊長兼充安東境內共設分署三第一分署駐三道
浪頭第二分署駐馬市臺第四分署駐六道溝卡倫局一駐東尖頭分駐
所一駐大沙河共船長十司機一僱員十七署長十三一等警十六二等

十九三等警一百八十三舵工十六水手一差役二十六常年經費由庫
款支出者全年度大洋四萬一千四百圓由省地方收入支出者全年度
共大洋二萬一千六百九十一圓臨時呈請支出無定額

歷任水上警察廳長

黃慶階

字深父山東人(詳前)任職七年民國五年十一月交卸

吉興

字培之台安人任職二年民國七年五月調充奉軍總司令部

參謀處處長

宋文郁

字墨林台安人任職七月民國七年十一月調營口警察廳廳

長

杜培祿

字級三歷城人任職五年民國十二年六月交卸

卷三 官廳會所 一安東宏業號

現任廳長

于治功 字靜夫金縣人民國十二年六月任職

附水警廳施行各項章程規則共十一項一百四十一條

- (子)管理河川交通規則共十六條
- (丑)管理漂流物及沈沒物件之撈獲規則共十三條
- (寅)管理本國人與外人互相租典船隻規則共十三條
- (卯)管理扒犁及冰筏與掃除水道規則共十四條
- (辰)管理船舶航行規則共十四條
- (巳)管理本國往來外國營業規則共九條
- (午)管理漂流船規則共九條
- (未)管理撥船規則共十一條
- (申)管理衛生規則共十三條
- (酉)管理碼頭規則共十七條
- (戌)管理舢板規則共十二條

會所

安東艚船公會 在大沙河興東後街清光緒三十年日俄戰爭之際創設試辦八年尙未立案民國二年首事人馬寶玉擬定章程稟請東路觀察使朱轉呈民政長 案並頒發木質圖記一顆文曰安東艚船公會總

會長馬寶玉副會長閻振德時艚船無多會捐尙少至民國五年漸至收入公款三千餘圓選舉財政員畢可封專理財政六年改選趙尙熙爲財政員七年單光璽充當財政員八年又任爲坐辦並以焉世寬爲理事歷年艚船增多收入盈萬弊端百出民國十年趙隆爽爲會長侵蝕會款愈多除薪水不計外看戲剃頭辭歲節費甚至喂狗賞妓種種名目隨意支消會款統計濫支侵蝕不下數萬餘圓十一年經艚戶公推代表鞠桂田等聯名告發趙隆爽等恐道尹查賬黑幕被揭遂呈請省公署願將該會歸航警處管轄詎知省公署批准並令東邊道尹王轉飭水警局認真檢查一切賬目以杜弊端經道縣公署水陸警廳監督改選何澧爲會長楊潤亭爲副會長復經道尹規定艚戶應納會費減輕三分之一並令艚船

須向水警局註冊徵收會費須用水警加蓋戳記三聯單限制會內月支不得過三百圓餘款留辦江艚公益趙隆爽等吞沒之款一萬七千餘圓追出留辦公益佈告轉呈立案

安東市政公所 駐財神廟街財神廟內民國十年十月前東邊道尹王順存爲改良安東全埠市政起見呈請省署創設市政會及市政事務所擬定章程規定市政會會員二十名由全埠商民選舉市政事務所設督辦一由道尹兼任會辦二由安東縣知事暨警察廳長兼任第一任所長並由警察廳長暫行兼任於十一年三月一日正式成立辦公地址附設警察廳內至十三年四月警察廳長請辭所長兼職經邴道尹呈請 省署修訂章程嗣奉 省長指令安東市政章程仿照奉營兩辦法酌爲修

正改選舉制爲委員制市政委員會額定委員十五人由道尹遴選公正士紳組織之督辦仍由道尹兼任會辦一人由警察廳長兼任協理一人由商會會長兼任市長一人由道尹呈報 省署核准委任改稱市政公所自十三年六月一日起正式改組辦公地址遷於元寶山嗣以該處較遠始遷今地所內分設四課曰總務教育財政工程各設課長一課員二技士二市視學一助理員二僱員七每月額支俸薪及公雜費奉大洋二千一百五十八圓

歷任所長

張貴良 字舜卿山東利津縣人民國十年十月由警察廳長兼任

陳奉璋 字徽五奉天鐵嶺縣人民國十二年一月由警察廳長兼任

現任市長

李嘉安 字樂唐奉天盤山人民國十三年六月任職

兩江保護木業事務所 在廣濟街民國四年設立清宣統元年以安埠木把迭生糾葛始組設木商公所稟請興鳳道立案置總代表二人以代表鴨渾兩江各一人紳董八人均由木把選舉之辦事權限專司評議木把木商之糾紛宣統二年改爲木業公所由料棧木把雙方組織兼整理漂木事宜設有整理漂木委員四人由道署委任之宣統三年春復改爲木業保護局組織法如前附設漂木局另置總辦一人由道署委任呈明省署備案其代表董事委員等均改爲司事由總辦委任是歲秋改爲漂木局職員名稱仍舊民國元年改爲臨時木業會始與漂木局劃分爲二

設正副會長各一會員十二由料棧木把雙方依法選舉其漂木局仍設
總辦一人局內事務由總辦委任臨時木業會會員兼辦民國二年改爲
公立木業會其組織事權均同前民國三年秋解散整理漂木權被採木
公司所奪民國四年春始由料棧木把重行組織鴨渾兩江保護木業事
務所施行規則三十八條由安東總商會報部立案內置所長一辦事員
二文牘收支各一書記清帳生隨時務之繁簡錄用月薪由採木公司代
徵木業經費項下按月撥現小洋一千圓至臨時費由料棧會酌量籌備
另置正副會長各一董事十三由全體料棧依法選舉職屬義務辦理木
業一切事宜臨江八道江各設分所一通化長白各設分駐所一桓仁設
派出所一分所各置所長一公選董事二分駐所各置辦事員一派所

置僱員相沿至今

置僱員相沿至今
 夫置僱員之始也
 蓋古者有司
 必設其官
 以治其民
 而後國有
 事可成
 夫置僱員之
 始也
 蓋古者有司
 必設其官
 以治其民
 而後國有
 事可成
 夫置僱員之
 始也
 蓋古者有司
 必設其官
 以治其民
 而後國有
 事可成

教育

安東縣教育公所 駐縣署前裁撤之巡檢管典史署內安東設治較晚
文化未開舊無獨立教育機關科舉既停通令各縣興辦學校光緒三十
三年冬十二月安東初設勸學所駐城隍廟內置總董一文牘會計司事
各一是爲安東有教育機關之始三十四年春設四路勸學員勸辦鄉鎮
小學四十餘處而官立兩等小學亦添設二處商立半夜學效一處宣統
元年春因學欸無著官紳俱皆漠視不爲維持鄉校悉數停頓官立學校
祇存一所總董姜日德稟請辭職縣令吳光國亦以玩視學務參革去職
夏五月陳漱六大令蒞任士紳聯名稟請公舉學董整頓學校據批本境
學務敗壞至此地方官固有不善紳董亦萬難辭咎現祇學堂一所總董

祇可暫缺候全境學堂籌設漸有眉目再行派充所請公舉總董之處礙難照准二年一月委孫秀升爲勸學總董移勸學所於縣署東院三年遵照部章總董改稱勸學員長是歲巡檢裁缺勸學所遂遷入焉民國元年二月孫秀升辭職縣視學姜日德兼充勸學員長二年二月按鄉鎮自治六區各設學務員長一人專辦本區學務十一月奉文改勸學所爲教育公所勸學員長改稱教育所長文牘員改稱事務員各區學務員長改稱教育委員五年六月奉巡按使飭改組勸學所廢止教育公所規程教育所長改稱勸學所長事務員改稱勸學員各區教育委員改稱學務委員均照舊供職並頒發學務委員會規程十一條及施行細則十二條九月姜日德由省長委任代理東邊道視學辭退勸學所長由程知事遴選鄉

六區學務委員孫錫齡詳請東邊道尹委任接充七年二月鄉鎮劃爲四學區舊有六區學務委員概行裁撤另委孫秀升郝昌德王奉璋三人爲勸學員四月添委李在陽爲文牘員八月孫秀升辭職九月孫錫齡奉省令撤換由縣選送資格相符者三員東邊道委陶德盛爲勸學所長九年三月王奉璋由教育廳委充錦西義縣視學辭退勸學員委任牛景芳接充七月龍泉山高小學校長譚峻彰與牛景芳對調爲勸學員十年三月遵令裁去文牘員添委張德峻爲勸學員郝昌德留所襄辦文牘七月陶德盛因病辭職縣署照章保薦三人奉教育廳指令委任張鴻鈞爲勸學所長十二年二月勸學員郝昌德因事辭職委任王奉璋接充七月勸學員張德峻辭職委任劉瑤琨接充十二年三月勸學員王奉璋奉省長委

充復縣公署科長遺缺委任蓋誠曾接充五月奉令改勸學所爲教育公所頒發教育公所規程十五條勸學所長解職由教育廳重委任張鴻鈞爲教育公所所長六月遵照新章勸學員改稱事務員仍以譚峻彰劉瑤琨蓋誠曾改委接充八月遵教育廳令選任著有資望士紳六人由縣署函聘爲教育公所董事十月事務員譚峻彰奉委西豐縣警察所行政兼衛生股員辭職委任董步雲接充十四年八月事務員劉瑤琨蓋誠曾任期屆滿成績卓著由所長呈請連任十七年四月張鴻鈞升任莊河縣知事教育廳委任蓋誠曾爲所長以林懋功接充事務員現所內置所長一事務員三僱員二夫役三辦公房舍十七楹常年經費小洋四千圓

附 歷任辦學職員

姜日德 字與來三區榆林村人奉天簡易師範學校畢業報捐州同職銜歷充安東勸學所總董勸學員長教育公所所長前辦學八年統計創辦中小學校百二十處民國四年八月巡按便以辦學得力請獎九月大總統獎給六等嘉禾章

孫秀升 字日暄城區人奉天簡易師範學校畢業會充安東第一兩等小學校長宣統二年任安東勸學員長及教育會副會長民國七年再任勸學員

孫錫齡 字夢九七區龍川村人安東師範傳習所畢業任天社會教育講習畢業歷充太平鎮高小學校教員學務員長鄉六區教育委員勸學員民國五年任安東勸學所長現任七區區長

陶德盛 字子言一區緩河村人兩級師範學校數理化選科畢業歷充鳳城省立師範學校學監安東甲種商業學校校長民國七年充安東勸學所長十年六月辭職再任甲種商業學校校長

張鴻鈞 字國銓八區新溝西村人國立北京高等師範學校數理部畢業歷充安東教育會長甲種商會學校教員東邊道立中學教務兼教員十年七月由教育廳委任安東勸學所長十二年五月重加委任教育公所所長

蓋誠曾 字惟一安東縣立中學校畢業歷充登臺子國民學校教員湯山城高小學校正教員及校長十二年三月接充勸學員六月改充事務員十一月教育廳准給一等褒狀十四年七月任卸屆滿城績卓著另委連任十七年教育廳獎給三等獎章委任教育公所所長

長

殷廷璋 字璧傳一區小樓房村人光緒三十四年安東創辦鄉校會充勸學員

呂占魁 字萌山六區佛嶺村人光緒三十四年會充勸學員

倪承思 字慎九六區山城村人光緒三十四年會充勸學員

安東宏業號印

連福保

字天相八區七股頂人光緒三十四年曾充勸學員九年十二月教育廳准給二等獎章

鄒文卿

字祥先一區太平村人安東師範簡易科畢業歷充一區學務員長教務委員學務委員任職五年以上民國九年教育廳准給三等獎章

王文瀛

字者貴三區五龍村人安東師範簡易科畢業歷充舊二區學務員長教育委員學務委員民國九年教育廳准給二等獎章

王儒誠

字精一三區太湖村人安東師範簡易科畢業曾充舊三區學務員長高小校長先後任縣立第一小學教員兼師範講習科教員十一年迭經省縣視學報告嘉許十年教育廳獎給二等褒狀十四年八月獎給三等獎章現充縣立第二小學教員精數學及音樂

著有樂歌選粹等集印行

張德峻

字景唐曾充勸學員民國九年教育廳准給三等獎章

于鴻翼

字大飛曾充勸學員

辛繼昌

字芳卿曾充勸學員

孫文林

字煥軍曾充勸學員

聶深義

字行五曾充勸學員

王奉璋 字仁亭五區娘娘城村人安東師範簡易科畢業曾充舊四區學務員長教育委員龍泉山及湯山城高小校長先後任縣教育會
長及勸學所勸學員現充復縣科長

劉堯臣 字允恭曾充勸學員

王文濤 字化普三區五龍村人曾充教育公所事務員

牛景芳 字春山八區小寺村人曾充勸學員

譚峻彰 字道煊八區八棵樹西村人鳳城縣初級師範畢業曾充龍泉山高小學校正教員及校長九年九月調充勸學員教育廳獎給三等獎章勸學所改組復委充事務員縣教育會正會長

郝昌德 字馨廷四區龍泉村人奉天法政校外生畢業歷充勸學員農會會長現任四區區長教育廳給三等獎章

劉瑤琨 字瑞琛四區唐山人東邊道立中學第一級畢業歷充道署街國民學校正教員十一年八月接充勸學員十二年六月改充事務員十三年九月教育廳准給三等獎章十四年七月任期屆滿成績卓著另委連任

董步雲 字鵬九八區前山村人奉天兩級師範簡易科畢業歷充二區營臺子國民學校縣立女子高小學校教員四區長泡子高小學校三區廟溝高小學校校長十二年十一月委任教育公所事務員

林懋功 字紀常縣一區石城村人東邊道立中學畢業曾充珍珠泡國民學校教員縣立第六小學校長縣教育會副會長十七年四月任教育公所事務員駐所辦公兼理城區學校事務

高文禔 字莠生縣四區榆林村人省立第二師範學校畢業曾充華商私立小學教員及縣立第七小學校長民國十七年三月任教育公所事務員辦理一三三四各區學務

林鈞衡 字載平 縣五區大林村人 省立第二師範學校畢業 歷充華商私立小學校長 白縣立第一小學校 安東縣立第七小學校 縣立第一小學校教員 民國十六年八月任教育公所事務員 辦理五六七八各區學務

附教育公所第一任董事

王榮林 縣視學

姜希尙 縣視學

鄧長齡 縣視學

陳嘉毅 縣視學

李獻廷 東邊林科高級中學校長 道教育會正會長

于麟炳 地方公欸處主任 兼地方儲蓄會會長

秦有德 東邊林科高級中學校學監 縣教育會正會長

郝昌德 前縣農會會長 現四區區長

王鳳翔 前籌設鄉鎮電話委員第一任鄉鎮電話局局長

孔昭懿 省議會議員

縣視學 駐教育公所前清光緒季年創辦學校視學未有專員宣統

二年冬由提學使盧札委姜日德爲安東縣視學民國元年二月再充勸

學員長仍兼視學二年奉天行政公署擬定縣視學暫行規程十條咨請

教育部核准照行令各縣知事遴選合於視學資格者三人造具履歷呈

請民政長委任熊知事保送郝麟生王奉璋王儒誠三人經民政長委任

郝麟生爲安東縣視學三年一月一日任職四年三月因新定章程縣視

學應迴避本籍奉飭解職並須由省考選分發各道由道尹委任鄧治安

爲安東縣視學六年六月任滿解職王襄國接充十二月七日辭職劉國

璧接充八年七月任滿高春毓接充九月八日調省教育廳委孫祥雲繼任辭職未到改委孫世琨接充十一年七月任滿蘇廷槐接充十二年七月調省另候任用調義縣視學王榮林接充十三年三月調任遼陽姜希尚接充六月升任營口縣教育所長調黎樹縣視學鄧長齡接充十五年七月任滿調盤山台安縣視學陳嘉穀接充常年俸薪及辦公費共支小洋一千二百圓

附歷任縣視學一覽表

姓名	次章籍貫	資格	任職年月	備考
姜日德	興來	安東縣		

姜日德

興來

安東縣

奉天簡易師範學校畢業曾任勸學總董

宣統二年十一月由奉天提學使札委安東縣視學

民國元年二月再充安東勸學員長仍兼視學

郝麟生	人宜	安東縣	奉天兩級師範 學校本科畢業	民國三年奉天民政長委任安東縣視學	四年二月因迴避本籍奉飭解職投考縣 視學及格奉文分發遼陽道候補
鄧治安	景盤	安東縣	奉天兩級師範 學校本科畢業	民國四年五月由東邊道尹委任安東縣 視學	六年六月任滿改充復縣視學
王襄國				民國六年七月由復縣視學調充安東縣 視學	本年十二月辭職
劉國璧	楚和	寬甸縣	奉天兩級師範 學校本科畢業	民國六年十二月由東邊道尹委任安東 縣視學	八年七月任滿解職
高春毓	修升	瀋陽縣		民國八年七月由輝柳兩縣視學調充安 東視學	九年八月調省
孫世琨	蘊珊	瀋陽縣	北京高等師範 學校數理部畢 業	民國九年九月由教育廳委任安東縣視 學	十一年七月任滿另有差委
蘇廷槐	蔭階	遼陽縣	北京高等師範 學校博物部畢 業	民國十一年七月由教育廳委任安東縣 視學	十二年七月調省

王榮林

錦亭

新民縣

北京高等師範附設師範教員養成畢業

民國十二年七月由義縣視學調充安東縣視學

十三年三月調遼陽縣視學

姜希尚

伯呂

營口縣

瀋陽高等師範學校畢業

民國十三年三月教育廳委任安東縣視學

六月升任營口縣教育所長

鄧長齡

壽岑

瀋陽縣

奉天兩級師範初級本科畢業

民國十三年六月由黎樹縣視學調充安東縣視學

陳嘉毅

庸臧

遼陽縣

奉天兩級師範學校本科畢業

民國十五年八月由盤山安台縣視學調充安東縣視學

七月調充錦縣視學

邵俊文

冠卿

撫順縣

民國十七年八月錦縣視學調充安東縣視學

九月升充東三省保安總司令部蒙旗處中校處員

馬福雙

士韓

遼陽縣

上海大夏大學校畢業

民國十七年十一月由教育廳委任安東縣視學

附國內高師大學及東西留學畢業人物表

姓名	次章	住址	畢業學級	現任職務
張鴻鈞	國銓	八區新溝西村	北京高等師範學校 數理部	安東教育所長 市政教育課長
秦有德	潤甫	一區太平村	北京高等師範學校 理化部	奉天省立第一師範專 修科數理化教員
李獻廷	庚薌	五區銅礦村	瀋陽優級師範 博物選科	東邊林科高級中學兼 縣立初中小學校長
陶德盛	子言	一區靛河村	瀋陽優級師範數理 化選科	安東市公署財務課 長
姜廷訓	式古	四區榆林村	瀋陽高等師範數理 化科	興城綏中縣視學

卷二 教育

劉長第屏漢一區太平村

系北京中國大學法律

張元夫元夫四區東安村

系北京中國大學法律

長天津興業銀行分行行

劉德周普生一區太平村

系國立北京大學法律

察哈爾寶昌縣知事

王綠章蕉文八區石佛村

北京中國大學法科
法律系

撫順縣承審員

董德芳馨山六區山城村

國立北京大學文科
英文系

葫蘆島航警學校教官

任國楨子卿五區濱江村

國立北京大學文科
俄文系

張聖恩哲遠四區唐二城村

日本仙台市電氣工
業學校

奉天中日電車聯絡運
輸事務所所長

張聖經 瑞麟 四區唐三城村 日本明治大學

四洮路

張聖文 伯喬 四區唐二城村

日本小樽高等商業學校

奉天財政廳科員

宋青濤 青濤 五區大房村

美國諾克斯大學商業

京奉路局

李寶慶 寶慶 安東縣街

美國密根大學化學工業

教育會

安東縣教育會 附設教育公所院內清宣統二年十一月創辦凡縣屬學校學董教員均爲會員選舉正副會長各一人初以三年爲一任期繼遵教育法令以二年爲一任期文牘庶務由教育公所辦公人員兼理民國九年修正會章添選文牘庶務各二人評議員八人會員現二百七十二人除各校學董不納會金外凡屬教職員年納會金三圓每年寒暑假期內各開通常會一次假縣立第三小學校爲校址請縣知事蒞會監視凡關學校家庭社會各教育之籌備整頓興革各事宜以及教學法之改良研究皆得討論歷年議決各案見諸實行者收效甚著當民國二年秋鄉鎮六區一律成立區教育會附設各高小學校會長任期與縣教育會

同由本區會員應交縣教育會會金內提撥三分之二以作經費現在各區教育會以經費支絀碍難發展多已停頓

歷任縣教育會正副會長

李獻廷 宣統二年十一月第一次當選

孫秀升 同上

李獻廷 民國二年十二月第二次當選

華啓文 同上

郝麟生 民國五年十二月第三次當選

郭殿英 同上

王奉璋 民國六年十月第四次當選爲正會長

張鴻鈞 民國九年七月第五次當選

連福田 同上

王奉璋 民國十一年七月第六次當選

張德峻 同上

譚峻彰 民國十二年七月正會長王奉璋辭職補選

秦有德 民國十三年七月第七次當選

周懋中 同上

郭殿翰 民國十四年七月副會長周懋中辭職改選

畢希珍 民國十五年七月第八次當選

林懋功 同上

單榮道 民國十七年七月第九次當選

于學禮 同上

東邊道教育會 附設安東縣教育公所民國四年十一月東邊道安東

縣教育所長姜日德教育會長李獻廷縣視學鄧治安及道屬其他各縣教育所長教育會長縣視學等發起聯絡東邊道教育界以研究發達全道教育爲宗旨援照安徽蕪湖道教育成案聯名呈請東邊道尹公署組織東邊道教育會五年三月十五日開成立暨選舉會候道視學德錫當選爲正會長李獻廷當選爲副會長當即具報道署轉詳奉天巡按使公署備案旋奉批示以候道視學兼任教育會長於行使視學職權上殊多窒礙未能照准按照會章由副長李獻廷遞升會長會址假安東縣教育

公所辦公道屬十九縣每縣協濟會費小洋十圓作爲是會基金是年七月二十五日開第一次通常會查通過者有會員提議之實行學校訓練案組織學藝會案舉行小學教員觀摩團案組織單級教授研究會案國民學校教員分級給薪案各縣宜遞年籌增學款以備推廣國民學校案及李會長提議可決之籌辦東邊道教育品展覽會案組織東邊道游東教育參觀團案旋實行組織參觀團由會呈請道署通令縣屬選送辦學人來安於是年十月六日出發一行二十四人道視學姜日德被舉爲團長會長李獻廷任副團長歷游日本東京橫濱京都大阪神戶及朝鮮京城平壤等處十一月九日返安李獻廷王鳴盛張友賢陳天元四員分任參觀編輯旋印制出版分發各縣參考書曰東邊道游東教育參觀團日

記在返安時期由會召集臨時會議議決有各縣急應籌設實業學校案
整頓教育意見案辦學人員監察地方收入藉裕學款案及各縣選送縣
費留日實業學生案六七年夏東邊各縣一再選留日實業學生三十餘
名遼瀋洮昌兩道亦相繼仿行選送留日實業學生至數十名之多非無
因也五年冬梁省視學兆璜報告道教育會議決各案均關切要已實行
組織遊東教育參觀團報告尙未脫稿該會雖未完全組織不無成績之
可言六年七月二十八日開第二次通常會議決者有學校應注重實用
教授並設法獎勵案地方官對於學務宜負完全責任遇生徒囂張尤宜
嚴重取締不得存心敷衍以免貽誤前途教育案學校須添武術一科案
各校一律訂閱教育雜誌以備參考而益學務案小學習字畫圖手工三

科宜改良教法而求實用案各校評定學生操行宜注重良知以期實踐
案創辦東邊道立體操遊戲講習所案十月國慶紀念是會假東邊道立
中學校開東邊道教育品展覽會五日省長公署派委員劉忠恕蒞場監
視報告深蒙嘉許國文出品優異者旋亦彙輯出版顏曰東邊道教育品
展覽會國文成績是年秋汪省視學秉文報告道教育會長李獻廷品學
兼優對於教育熱心提倡查該會歷次所議決舉行教員觀摩團學校應
注實用教授組織遊東教育參觀團籌辦東邊道教育品展覽會等案均
屬切要亦多見諸實行東邊道各屬教育狀況近年較見進步端賴該會
提倡之力七年四月是會根據議決案假東邊道立中學校及基督教女
校創辦東邊道立體操遊戲講習所男女兩級由道通令各縣選送男女

學生百餘名延聘日本男教員宮崎桂次郎女教員米由松中國助教張元俊陳國樑四員分別教授最新普通兵式器械體操及舞蹈學校各遊戲補助我國遊戲體操之不逮奉道尹方委任李會長兼充講習所所長經費小洋一千五百圓由道屬各縣協濟七月講習期滿畢業計男生五十八人女生五十二人是年夏季鄭省視學興文報告道教育會長對於教育改進頗持積極主義八年七月二十八日開第三次通常會次日續開第二次選舉會改選正副會長李獻廷當選正會長連任李雲林當選副會長是屆通常會可決各案有道尹交議之各縣前送縣費留日實業學生應不拘定原案凡考入專門各實業學校者如省費不足宜由各縣繼續担任案及會員提議之中等學校午前第二課後宜舉行十五分鐘

體操案各校宜設販賣部以便練習商業知識而減曠假機會案高小中等學生宜注重圖案寫生而趨實用案各校宜切實採用校務分掌辦法案各縣國民高小學校宜舉行朝午會而便訓育案各校宜設學校園以便直觀教授而重實用案各縣小學教授宜取問答式自學輔導主義編定教授順序而利教育案請恢復留日學生經理員案除恢復留日學生經理員一案呈蒙省署令行教育廳議覆以本會建議原案不無見地惟自經理員裁撤後薪俸辦公各費均已劃歸留日學生監督處一旦復設經費難籌且原案並請畀經理員以實權亦覺與留日監督職權有礙似無設置之必要未能核准外其餘各案當已通令道屬照辦矣在各縣小學編定教授順序一案辦法將李會長獻廷考察京津教育日記及其附

錄京師學務局印行國民高小教授順序印刷成冊旋分發各縣小學作爲教授考鏡以便參照施行在第三屆通常會閉會時李會長獻廷臨時動議組織東邊國內教育參觀團衆意僉同由會呈請道尹轉呈省署核准由道召集屬縣辦學人員來安於是年十月二十九日出發團員計十一人李會長獻廷被舉爲團長包文俊副之遊期經兩月之久遊程越一萬餘里遊地歷山東浙江江蘇安徽江西湖北河南山西直隸京兆十省區於各屬教育實業風俗人情古蹟名勝等皆悉心考察藉增見識可謂極國內之大觀矣李會長獻廷被舉兼任參觀編輯歸後七閱月脫稿付棗梨出版分發各縣參考書名東邊教育團國內參觀日記十年一月開第四次通常會通過議案有道尹交議之星期日學校宜添自省課以促

進德育案星期日宜開學生講演會藉以交換知識練習語言案及會員提議之各縣小學教員應輪流出外參觀案學校宜時開小運動會及定期春季或秋季運動會案學校宜備修業日記切記事實藉以練習國文陶鎔品性案小學宜設學校新聞及學級新聞藉以觀摩文藝提倡自動案學校宜編雜誌按期出版案十一年一月十二日開第五次通常會通過議案有國民學校課程應添授鄉土科案各縣應設小學巡行模範講員案小學合法教員應認爲模範教員並酌與獎勵案各縣教育會應分別組織小學訓育教授研究會案小學珠算教授應行注重案各縣應組織研究會案各校應提倡童子軍案十二年一月二十八日開第六次通常會次日續開第三屆選舉會改選正副會長李獻廷仍當選爲會長連

任李雲林當選副會連任在第六次通常會議決各案有道尹交議之小學教員宜注意研究教學法案女學校長或經理須擇用品學兼優毅力進取者案小學校教員應予優待案及會員提議之各校提倡設立平民學校案小學校學生練習自治應採用社會制案小學國語科應採用東三省補助教材案各校組織星期講演團以補助社會教育案各校教員應注意研究設計教學法案十三年一月二十日舉行第七次通常會通過議案有道尹交議之各縣市縣應組織教育研究會案各縣應注意推廣職業學校案學校應實行與社會結合案交議與會員提議兩案並議之各縣應舉辦大規模的平民教育運動提高人民程度案及會員提議中小學校宜注重學生學校生活指導案小學實行職業教育陶冶案各縣

初級中學應倡辦童子軍案本會將來通常會各縣須一律提交議案案
十四年一月四日舉行第八次通常會通過議案爲道尹交議之道屬各
縣學校添設預備班專事教育韓僑子弟案道屬各縣須推廣農科職業
學校案及會員提議之組織東邊鄉士教科編纂會案舉行東邊道第二
次國內教育參觀團案推廣平民學校案各縣教育會應設教育研究會
案謀殖學校基金案女子師範暨女子高小校應添授蠶絲職業案各縣
籌辦圖書館案各縣初級小學教員薪金每年應一律照十一個月支發
案各縣小學校應添小圖書館案各縣籌設公共運動場案組織經學講
習會案各縣應實行組織縣教育團公有林以謀教育基金案是年秋實
行第二次國內教育參觀於十月二十四日由安首途登輪赴津同行者

十二人于春波被舉爲團長陳庸副之原擬考察京津蘇浙等處教育適值奉浙戰起不便南下京津參觀後或往山西或赴大連未及匝月即分途過返十五年一月開第四屆選舉會正副會長仍當選連任

義學

清光緒十七年知縣潘文鐸創設義學兩處延師訓課此爲安東官立學塾之初基所需經費潘令查有辦理山繭計剪納稅一項每年可收東錢一千九百零六吊當將此款撥充義學費用稟明東邊道憲奭批准照辦光緒二十四年六月知縣秋桐孚接奉上憲函開飭將所屬書院義學坐落處所詳查具覆遵即查明縣內並未建有書院惟有義學兩處一坐落于家溝裏草房三間塾師貢生張春樵學生無定額一在元寶山前大橋

頭北滙海居草房三間塾師增生于鴻藻學生無定額及日俄戰起同時廢止

學校

東邊林科高級中學校 設元寶山前舊爲道立中學校民國八年八月安東總商會王會長建極以道立中學基本經費出自木簞公益捐係木會負擔要求道尹方於道立中學添設森林科兩級造就林業人才道尹准如所請遂於是月添設中學林科一級是爲道立中學改組森林學校之主因九年七月校長李獻廷以道立中學既添林科中學編制已不完全且各縣協濟經費不能按時接濟乃順應情勢改組東邊甲種森林學校學級編制額定四級預算經費大洋一萬四千五百七十六圓迭與奉

天教育廳長謝及安東商木會諸領袖接洽請安東總商會由絲繭糧木學捐項下常年撥給大洋九千五百七十六圓請求奉天教育廳由省教育費項下常年補助大洋五千圓將前所招林科編爲東邊甲種森林學校第一級八月添招第二級以後每年秋季招生一級歸教育廳直轄經費分向教育廳總商會請領是月由總商會函請教育廳備案九月李校長赴省接洽妥協接收瀋陽高師附屬農科儀器標本書籍等十四箱十月十日奉教育廳令以前農業學校遺款大洋五千圓撥充是校常年補助費已奉省長公署核准即定於是日爲林校正式成立紀念日十年八月李校長向商會請撥臨時費小銀圓五千五百餘圓改修林校樓房教室一座二層作三截用上下計三十六間同月添招甲種森林第三級十

一年五月五日舉行樓房落成式八月添招甲種森林第四級十二年一月奉天實行新學制東邊甲種森林學校奉令改組爲奉天東邊林科高級中學校學級編制及招生計畫舊有甲種森林一二三四級改爲林科高中一二三四級爲招生便利改爲春季始業在十二三十四三年年招高中預科一級以舊制高小畢業者考入修業期限預科二年本科三年自十五年起年招三三制完全中學一級以新制高小畢業及有同等學力者考入初中三年修畢繼續升林科高中亦三年畢業新學制實行後當年二月添招林科高中第五級預科一級三月於八道溝農林場建築場舍五間六月林科中學第一級畢業二十六人除升學及服務農林機關者外餘由省縣費分別選送滿鐵會社之公主嶺農事試驗分場及

旅順關東廳蠶業試驗場等處實習爲職業教員之暫行養成特別辦法
十三年二月添招林科高中第六級預科一及六月林科高中第二級畢
業二十四人十四年二月添招林科高中第七級預科六月林科高中第
三級畢業二十人校舍共一百零四間場舍共十四間校西毗連之會地
四畝許公園火神廟前山地九畝許八道溝義地荒山約五六百畝公園
網球場下桃樹園山平地六畝餘皆由李校長先後向總商會接洽妥協
撥給該校作爲運動場學生實習林場農林試驗場及改充桑園等規模
宏大設備完善十五年度經費安東總商會撥給奉大洋一萬二千五百
七十六圓奉天教育廳補助費奉大洋九千圓在校學生現五級共一百
四十二人

安東縣立初級中學校 附設林科高級中學校院內民國十二年一月奉天實行新學制規定各縣設立初級中學一處十三年一月安東縣教育公所所長張鴻鈞轉奉縣知事關定保令着縣立第一小學校校長李獻廷在小學院內籌備安東縣立初級中學校招生事宜二月招生一級開學編爲縣立初中第一學級四月轉奉教育廳令委任李獻廷兼充安東縣立初級中學校校長十四年二月添招初中第二學級十五年二月再招初中第三學級即足學級編制定額十四年度預算上半年度二級下半年度三級計經費奉小洋三千六百三十四圓學生半年納學費小洋六圓於民國十五年秋建修初中教室樓房九間及翻修廁所共費現小洋六千圓現共三級學生一百二十人

查安東縣立中學創始於民國元年八月校長李獻廷以地方高小學生漸次畢業謀升學之便利商承縣知事熊植教育所長姜日德於今校址安東縣元寶山前創設安東縣立中學校招生開學編為第一級原有校舍四十四間是歲十月添修前院教室十四間三年二月續招第二級上學期作為試業期兩級經費預算大洋四千二百二十圓以街基地租畝捐開辦學雜費免收五年七月縣中一級畢業四十一人六年八月李校長以縣立中學經費支絀不能每年招生級次銜接稟商東邊道尹方改為東邊道立中學校歸道署管轄學級編制一年招一級招足四級為定額常年經費奉大洋八千五百十七圓由鴨綠江採木公司經收木簿公益捐餘款項下撥給大洋四千二百九十七圓安東縣立中學原有經費項下撥給大

洋二千餘圓大洋二千二百二十圓由東邊各縣分別協濟是月將縣立中學第二級編爲道立中學校第一級新招道立中學第二級九月道署轉奉省令委任李獻廷爲東邊道立中學校長並刊發東邊道立中學校章七年七月道立中學第一級畢業四十二人八月添招道立中學第三章八年八月安東總商會王會長建極要求東邊道尹方添設中學林科一級九年七月順應地方情勢改組東邊甲種森林學校道立中學結束辦法畢業一級停止一級十年七月道立中學第二級畢業三十七人十一年七月道立中學第三級畢業三十七人卽歸停辦三年一月東邊甲種森林學校改組爲東邊林科高級中學校十三年一月按照新學制籌備縣立初級中學二月實行成立此安東縣立中學沿革變遷之大略也

附農林場之墾闢之設施概況

民國十二年夏林科高級中學李校長往青島大連旅順熊岳城迤帶考察農林事業返校後深信菓樹蠶桑利益極大乃決心利用廢地將八道溝義地荒山實行開墾闢爲模範農林場於是年九月入手傭工墾成梯田設法籌款分期進行廣植果木桑樹而謀大利藉爲地方倡十四年九月李校長以八道溝義地荒山二年以來墾闢梯田大致就緒應添修養蠶室烘繭室苗木防寒地窖工人宿舍農林場事務所並場周圍棘籬葡萄園鑿井墾地缺欠工資等設備費均須積極籌款進行屢與商會正副會長陳憲孫建順木會正副會長高榮安孫榮明諸君接洽皆允維持贊助由商會撥給小銀圓二千圓木會撥給小銀圓二千四百六十圓於是月添修場舍九間十五年鑿井植籬相繼竣工是場設施計分四系曰林產系關於森林樹木育苗造林等屬之曰園藝系關於栽培果樹花卉蔬菜並養蜂罐頭等屬之曰蠶桑系關於栽培桑樹柞樹樗樹蒿柳蠶天蠶等屬之曰種藝系關於栽培特用作物改良普通作物品種等屬之於梯田內大宗栽植果樹利其結實次爲栽桑以備育蠶果樹桑樹畦間或種植普通樹苗或繁殖果苗桑苗或養蜜蜂或育花木或栽培蔬菜或種特用及普通作物於豁谷溝渠則植樗樹蒿柳以育樗蠶天蠶或栽柞柳以編器物於荒山一部栽植柞樹以備放育山蠶研究其病蟲害之豫防驅除法更於

義塚密處植材用經濟林於山阜疆界造防風保安林他如山勢陡峻不便墾梯田之處均作演習林地場內員工設有場長一員林產兼種藝系主任一員園藝系主任一員分任職務以專責成常年並雇工頭場夫廚役等十名以資工作凡關於農林場處理進行及收入保管辦法係以校長兼任場長經理一切在商木會有監察一切之權將來有收入時專充是校基金發商生息藉以擴充學級不得移作別用須分報商木會備案此項基金動用前須徵商木會同意李校長汲汲經營此場者含有五大目的便於學生實習研求藝術技能此其一利於諸蕃基金得以發展校務此其二昔之無用荒場今變有用利藪此其三納污穢垢廢地進爲風景公園此其四提倡樹藝大利可作社會先河此其五是校宗旨在初中時期習普通學科預備升入分科高中在高中時期除預備升學課程外則施行完全之普通林業教育及主要補助學科之農業教育(果樹蠶桑工藝作物等)養成實踐應用之林農技藝人材兼爲升入農科專門大學及其他各種專門大學之預備爲旨趣是校農林場面積廣大前途發展未可限量不禁翹企望之矣

奉天東邊甲種森林學校成立始末記

竊東邊爲森林區域城林業人材需要孔急森林學校不容緩設安東前商會長王筱東君有見及此要請

前東邊道方於民國八年秋在東邊道立中學校添設森林科此爲本校之緣起獻廷承乏中學校長以經費支絀不易維持順應地方情勢急圖改組林科屢與東邊實業銀行長王筱東君安東商會長李信軒君子會清君前會長方紹九君木業會長陳國卿君木業所長白盡忱君竭力接洽磋商請求寬籌學款一面晉謁奉天教育廳長謝公懇請補助省費並撥給前省立農業學校儀器標本等物品費幾許心機持以毅力幸底於成商請結果道立中學改爲奉天東邊甲種森林學校歸教育廳直轄舊有中學畢業一級停止一級森林學校計劃溯自八年秋季起年招學生一級以招足四級爲定額四級經費預算大洋一萬四千五百七十六圓安東商會由絲繭糧木學捐項一籌撥九年七月具情函請商會轉報教育廳備案咨復核准蒙刊發校章委獻廷爲校長因地方學務義不容辭受命以來兢兢焉惟不克勝任之是懼經費雖已有著設備猶嫌簡陋慮儀器標本之不敷用也設法接收前省立農校儀器標本一面接洽商木會復添購數千圓慮校舍之不敷用也請求商木會添修宿舍並改築樓房教室耗款逾萬圓慮學生無實習場也請撥元寶山西側之商會產數百畝以資實習凡此皆足見商木會當軸諸君子及教育廳長熱心學務之處茲當四級定額招足學級編制銜接校舍設備粗告完善諸事亦漸就緒飲水思源籌款諸公嘉惠青年功在學校謹將是校成立始末歷史勒石紀念藉爲世之籌款興學者鑑東邊

甲種森林學校長兼安東縣立師範講習所長元寶山小學校長東邊道教育會長遼瀋道尹公署諮議

安東李獻廷廣薈甫撰 中華民國十一年十二月穀旦立

奉天東邊林科高級中學校第一級畢業碑

自古建非常之功者震古爍今往往勒之金石以垂不朽亦可見創造之艱難而建設之非易也今吾奉天東邊林科高級中學校蓋幾費經營擘畫而始獲底於成功同學等目睹耳聞知之頗詳烏能已於紀述哉考吾校歷史初爲安東兩等小學繼爲簡易師範縣立中學東邊道立中學其間迭經改進均由校長李廣薈夫子主持校務已竭慮而殫精矣而吾級則於民國八年暑假開學時爲道立中學第四級旋以經費支絀校長因順地方情勢請設甲種森林學校歸教育廳直轄乃夙夜籌謀奔走接洽始獲安東商木會允撥常年經費共計大洋九千五百七十六圓教育廳補助省費五千圓至九年十月十四日奉廳令備案而吾級編爲第一陸續招生迄今年春已招至第五級適會新學制初定故於三月十九日又奉廳令定爲今名校長辦學十有四年屢經改進熱心擴充不遺餘力故械櫛菁莪士子濟濟稱盛今吾情之涵濡於春風化雨中而得卒業於斯者皆校長慘淡經營樂育人才之成效也同學等飲水思源爰爲敘本校創造之梗概以告後之學者系以詩曰厥初湫隘青衿莫容巍樓建築規模以宏紛披芹藻淨

流泮宮琢詞碑石用銘豐功

同級二十六人回殿恩回殿忠林鈞德曲廷章趙泉清孫際虞唐繼周孫炳勳宋景軒李殿忱陶元齡趙連璧高化南萬世全黃恒久孫玉琨王鴻勳王國基王兆荃李春玉姜長智王國衡苗永昌徐大鏞曲以德張世文

中華民國十二年五月穀旦

清光緒辛卯舉人文登張燕春代撰

安東縣立女子初級中學校 設於八道溝街縣立第二小學校院內民國十六年六月成立職教員四學生一級二十二人歲費八百三十八圓

東邊商科高級中學校 設於自新街山上佛壽宮舊址清宣統元年九月奉天提學使盧札飭安東知縣陳藝創辦商業學堂造就專門人材以應地方需要經安東商會總理王中時協理王建極贊助籌款倡議

由安埠絲繭糧木各項徵收學捐爲商校常年經費宣統二年二月假城隍廟爲校舍定名商立商業學堂任劉俊爲校長招預科生一班是爲商校成立之始六月陳監督將佛壽宮房舍二十餘間撥歸商業學校舍地面約十畝即今商校之地址也秋季擴充學額以原有之預科爲中等班添招初等一班改名公立中等商業學堂三年冬劉校長辭職蔣武祖繼任民國元年秋蔣校長辭職章尙璜繼任二年冬章校長辭職華啓文繼任遵新學制更名安東縣立甲種商業學校以中初兩等改爲甲乙兩等甲種四年畢業（預科一年本科三年）乙種三年畢業四年春添招乙種第二級并購下院民房七間爲學生宿舍十二月甲種第一級畢業二十二名五年春續招甲種第二級七月乙種第一

級畢業十九名六年二月續招乙種第三級九月華校長辭職陶德盛
繼任七年春甲種第二級因人數不足將該級原有學生十三名轉送
省城商校插級另招甲種第二級七月乙種第二級畢業十五名八月
續招乙種第四級改建校舍九月陶校長轉任安東勸學所長丁贊文
代理十二月丁辭職由陶所長暫代八年二月臧世壽接充三月添招
乙種第五級及簿記講習科一級十二月乙種第三級畢業二十六名
簿記科畢業八名是年建築校舍一百餘間九年春商會公推孫秀升
爲學董三月添招甲種第三級合併乙四乙五兩級爲乙種第四級另
招乙種第五級并招銀行專修科一級十二月銀行科畢業四十五名
孫校董病故公推于麟炳爲校董十年春添招甲種第四級及乙種第

六級八月經商會函請教育廳改爲東邊甲種商業學校歸教育廳直轄經費仍由商會擔任十二月甲種第二級畢業二十五名乙種第四級畢業二十七名臧校長辭職陶德盛繼任十一年春續招甲種第五級及乙種第七級並建前樓及下院禮堂飯廳廚房共三十餘間十二月乙種第五級畢業二十八名十二年奉省實行新學制改名東邊商科高級中學校甲乙兩種未畢業者仍照舊辦理此後改招三三制商科高中初中及職業中學各三級先於二十三年春年招高中預科及高級小學各一級高中預科修業二年期滿升入高中本科高級小學二年畢業由十四年春起年招初中及商科職業中學各一級三年畢業十二年二月改招高中預科及高小各一級七月陶校長辭

職張旻繼任八月于校董辭職未選替人自此無校董之職十二月甲種第三級畢業二十八名送省覆試及格者十八名乙種第六級畢業二十一名十三年春續招高中預科第二級及高小第二級十月甲種第四級畢業十八名覆試均及格擇優呈請教育廳轉呈省署分送東三省官銀號及四洮京奉中東各路服務者九人乙種第七級畢業二十五名高小第一級畢業三十二名十四年二月添招高中預科第三級高中第三級初中第一級商科畢業中學第一級因縣境對日人貿易較繁職業中學加外國語一科專習日語俾切實用十二月甲種第五級畢業二十名覆試及格者十八名呈請教育廳轉呈省署分送東三省官銀號及四洮奉海洮昂各路服務者十三名高級小學第二級

畢業二十名是校成立十有五年先後畢業者三百七十名除升入各
大學外服務於本埠及各地銀行儲蓄會商店公司官廳鐵路者不下
二百人現有校舍百四十五間均系近年建築佔地十畝許在校學生
高中三級初中二級職業二級補習及高小各一級統計九級二百四
十一人職教員十九僱員三校役十一十五年度經費現小洋一萬三
千三百十五圓五角

縣立師範科 光緒三十三年秋安東籌設學校以教材缺乏由東邊道
錢紹雲觀察倡辦安東縣官立師範傳習所一處於財神廟街南首租
用洪氏地址建築板屋若干間爲教室及膳宿各室以風氣未開人數
寥寥翌年春知縣吳光國出示招考塾師五十餘人入所傳習經費由

變賣啓鳳書院學田項下開支一年畢業是年冬續招師範一級遷於元寶山兩等小學校內宣統元年秋畢業續招一級定名安東縣官立師範簡易科二年三月安東知縣陳藝呈奉天提學使盧調委李獻廷回籍辦學適初畢業於奉天優級師範博物選科以列最優等赴京學部覆試遲於五月九日到校接任校長乃釐定校規補招師範生足額以上學期爲試業期定二年半畢業經費庫平銀四千五百兩是年十二月安東縣教育會於年假期內假是校開小學教育補習科二班李校長以教育會長名義主辦一切考取城鄉塾師文理通順者百有四人入校補習一月期滿考試合格者發給修業證書三年春安東鄉校一時成立七十餘處即派補習教員充任六月縣教育會於暑假期中

假是校續辦小學教育補習科二班學員百十四人賡續補習進增程度民國元年十二月師範簡易科期滿畢業計四十二人二年一月縣教育會於寒假時期復假是校續辦小學教員補習一班五十五人二月以簡易師範雖已畢業地方教材仍感缺乏續辦安東縣立小學教員講習科一級十二月一年期滿畢業計五十一人五年七月縣立中學一級畢業時小學教材尙虞不足八月續招縣立師範講習所第二學級一級經費大洋三千零八十三圓六年七月一年期滿畢業計四十二人教材由是漸裕矣十年九月以學校添設逐年增多師範仍不足用安東知縣林國楨委託李校長在甲種森林校內復辦縣立師範講習所一級經費小洋二千七百零四圓十二年七月二年期滿畢業

及格者五十人十六年六月成立師範講習科一級三十五人現尙未畢業統計安東縣師範先後畢業者傳習所兩班簡易科一班補習科三班一年講習所二級二年講習所一級約共四百餘人

按開通民智恃教育教育之收效如何以師資得人與否爲定斷查歷任安東縣視學改良意見皆以添招師範廣儲師資爲先誠以安東教材異常缺乏多借材異地每值開學恆有教員不敷委任之虞中途撤一教員幾乎停辦一校不得已須以他種學校畢業者充之其中教法優良文理清通者固自有人而顧此失彼學殖疏淺者亦數見不鮮教材如此其所收之教育效果可知欲不撤換誠恐貽誤青年欲撤換也幾有後難爲繼之虞故欲改良鄉區小學急應廣儲師資則增加教育經費續辦簡易師範誠爲當務之急已

縣立女子師範講習科 設天后宮街縣立第二小學校內民國十一年

八月成立學生一級十九名十四年七月三年期滿畢業送省覆試者

八人均及格八月續招一級四十六人職教員三僱員夫役各一歲費三千一百圓

城區縣立小學校凡七

縣立第一小學校 設立元寶山前清光緒三十一年十月知縣高欽創辦第一兩等小學校於城隍廟三十四年正月知縣吳光國學董姜日德創辦第二兩等小學校於于家溝是歲十月元寶山前校舍落成第一二兩等小學校遷入宣統元年正月第一兩等小學歸併於此民國既建添設中學附屬其中嗣以校舍不足逐年添修教室於東院共三十三間專辦小學原名安東縣立元寶山高等小學附國民學校十二年一月新學制實行改定今名現高小三級初小四級校長由林科高級

中學校長兼任職教員十學生三百五十安東小學成立之早辦理完善是校可稱全縣之冠歲費二千六百圓

縣立第二小學校

設立天后宮街清宣統三年九月成立原名女子初

等小學堂附設天足會校址在官電街礦務局空房內以濟良所收入及婚書費爲開辦費及常年費民國三年改稱女子國民學校後逐漸擴充校舍不足六年三月在自新街購校地一處修整舊屋添築新舍暑假後遷入添設高小一級改名縣立女子高等小學校嗣因級數增加校舍仍形狹隘地址又不適宜十年八月經總商會捐助八道溝天后宮街基地五畝價值大洋八千圓由縣提撥公款及木會舫船會助欸並紳商捐欸共得小洋一萬五千餘圓先後築校舍六十二間十一

年二月遷入十二年新學制實施改定今名現高小二級初小四級職
教員十學生二百餘人歲費三千五百圓

附屬幼稚園 在縣立第二小學校後院西廂民國十二年設立校舍三
間教員一男女幼稚生三十二名

安東女子學校建築校舍落成碑記

客歲四月間余奉命視篆安東下車而後巡觀城區教育至縣立女子高等小學校見其校舍宏敞竹苞
松茂煥然一新及詢所由來乃歎提倡得人而急公好義諸君子之足垂不朽也按斯校地址舊居于家
溝口僅有瓦屋草房各九楹屋少人多既形擁擠又無宿舍不能收容鄉鎮女生民國九年冬前縣知事
林國楨湄江正籌集地方節餘公款訂講磚瓦石灰擬於該校舍後建樓九楹借資發展適值本埠實業
銀行行長王建極彼東熱心興學首倡捐現小洋三千圓並勸該行董事共捐三千圓在各富戶中勸募
四千餘圓情願撥充女校建築費彼此互商以舊址狹隘由彼東商安本埠總商會在八道溝元寶山下

有地七畝先行借用四畝有奇面積寬廣最爲適宜遂由湄江提撥地方公款小洋票四千餘圓並勸木會助現小洋一千圓續船會助小洋票二百圓合計公款捐款共得小洋一萬五千餘圓乃庀材鳩工經始於十一年七月至十月落成計築正廂房五十七楹而講藝之堂樓士之舍皆足嗚呼何其周也嗣因添購煖爐改修溝道新築院牆置備校具等款項不敷又由湄江筱東籌募二千餘圓及十一年秋爲開辦女子師範講習所復於後院增築西廂五楹美哉輪美哉奐將來安東女校之發展豈可量哉余聞古之教女子者蓋爲之師傅保姆之助詩書圖書之戒珩璜琬琰之節威儀動作之度此內則詳閨門之軌儀所以爲古者學校教人之書也今文明大啓女校日興安東僻處邊陲亦蒙諸君子之慷慨資助後起閨秀涵濡陶淑於廣廈之中而幸託鴻庇自當感激靡旣而益切飲水思源之恩也本邑勸學所長張鴻鈞國銓請余記其事以垂後余旣承乏斯邑雖不文亦烏容辭乃綴以銘曰厥初湫隘不可以居今也夏屋爲賦渠渠大庇士女佩玉瓊琚勒名貞石千載弗渝

民國十二年四月某日安東縣知事關定保撰

縣立第三小學校 設立道署街舊城廂自治會地面積一萬二千七百

五十方尺固定校舍二十六間宣統三年二月于家溝初等小學及後溝初等小學同時成立民國三年春自治停辦于家溝小學首先遷入是歲十月後潮溝小學因校舍被水坍塌遂合併於此名縣立第一國民學校十二年新制實施改定今名十五年秋改建樓房增加校舍七間爲擴充高級之用現高小二級初小四級職教員十學生四百歲費四千五百圓

縣立第四小學校 設立自新街舊女子高等小學校地民國十一年二月女校遷移及時成立校舍十九間現高小二級初小四級職教員七學生三百三十歲費四千五百圓

縣立第五小學校 設立東坎子初爲區立國民小學校民國元年三月

成立校舍租用學生一級六年王紀氏捐助校地一畝五分建築固定校舍五間又以地方劃歸商埠戶口增加學齡日衆校長單榮道辦理盡心教管合法商人顧善法捐助房基地六分添築學舍租用操塲斯校遂臻發達新學制實行後改定今名固定校舍十五間現高小二級初小一級職教員四校生一百二十歲費二千五百圓

縣立第十二小學校 設立九道溝民國十年二月成立校舍三間狹隘殊甚十一年十月商人高鎮山捐入該校地一畝五分五釐以地勢偏僻不適於用十七年八月教員孫春生學董李文增慘淡經營向總商會暨各紳商捐集現小洋九百餘圓擇適中地點建築固定校舍五間現初小一級教員一學生五十八歲費四百二十圓

縣立第十四小學校 設立後潮溝長興街民國十七年七月成立租用

校舍二十四間高小一級初小四級職教員七學生二百五十六歲費二千五百三十五圓

各區縣立小學校凡七

縣立第六小學校 設立一區九連城宣統二年三月成立始僅初等一

級名模範小學校民國二年添設高小一級七年復增高小一級民國以來名稱屢易十二年新學制實施改定今名校舍二十一間校園五畝現高小二級初小一級職教員四學生一百一十六歲費二千圓

縣立第七小學校 設立四區湯山城宣統二年二月成立初名模範小學校民國以來添設高小至三級新學制實施改定今名固定校舍二

十五間現高小二級初小一級職教員五學生一百三十七歲費二千二百圓

縣立第八小學校

設立五區林泉村

原名廟溝

宣統三年正月成立初爲模範

小學校民國以來添設高級名稱

易十二年新學制實施改定今名

固定校舍三十九間現高小二級初小三級職教員六學生一百六十三歲費二千五百圓

縣立第九小學校

設立七區龍泉山宣統元年十月成立初爲模範小

學校民國以來或專辦高級或附設國民名稱屢易十二年新學制實施改定今名固定校舍三十二間現高小二級初小一級職教員四學生九十名歲費一千六百七十圓

縣立第十小學校 設立三區老古洞宣統三年二月成立民國四年添設高小一級固定校舍十四間現高小一級初小二級教員四學生一百歲費一千八百圓

縣立第十一小學校 設立七區長泡子宣統二年三月成立民國四年設高小一級校舍十七間校地十二畝現高小二級初小一級職教員四學生一百零五歲費一千五百八十六圓

縣立第十三小學校 設立八區大東溝重興街民國六年三月成立原名私立女子國民學校新學制實施改定今名現女生一級三十六人歲費三百圓

縣立農科職業學校 設立二區通天溝縣農業試驗場舊址民國十一

年由農會長郝昌德教育所長張鴻鈞倡辦縣知事關定保贊助允撥常年經費一千零八十圓十二年春成立現高小二級分園藝蠶桑兩科職教員三學生五十校舍十六間實習地六畝

城區公立小學校一

回民公立小學校 設立官電街清真寺院內洪維翰倡立馬錫蕃贊助宣統二年十月成立校舍十間初小二級學生一百十五常年經費由清真寺收入屠捐開支學生免收學費歲需一千一百圓

七道溝私立小學校一

華商私立小學校 設立七道溝新市街由蘇雲舫倡首創辦民國六年二月成立招收男女生各一級經費由華商接月捐納七年添招一級

經費由殷實商家特別捐助並自行捐款爲之倡八年秋與華商會長

曹駿明商妥日本民團捐與校地三百坪

日本度方三十六尺爲坪
中國平方三丈四尺七寸

並日本尋常

學校舊校舍二十三間一併捐助十年春添招一級共四級求學者日衆限於經濟未能擴充十一年冬採木公司理事長李友蘭捐助大洋五百圓並代募集大洋二千一百餘圓十二年春又磋商日本民團捐與校地三百坪是年秋建築樓房上下十四間添設高級造就日宏是校原名華商公立小學校十五年春奉天教育廳指令以該校經費純由華商會按月徵收撥給學生免收學費並不支領公款乃私立而非公立遂改定今名現高小二級初小六級內女生二級職教員十二學生五百二十三歲需七千五百圓

鄉鎮商立小學校凡二

中興鎮商立小學校

設立六道溝

街民國八年二月成立逢本禮

倡首創辦以屠宰附加捐爲的款十年二月捐入街基地五分三釐建

築固定校舍九間現初小二級職教員二學生九十五歲費五百九十

圓

大東溝商立小學校

設立大東溝

街民國五年三月成立係商會

私立之小學固定校舍二十五間現高小二級初小二級職教員五學

生一百五十歲費二千四百圓

第一區區立小學校凡十一

橫道河區立第七小學校	于麟炳 林書翰	宣統三年二月	一	三五〇、	四	、六七	于麟炳捐地
老龍頭區立第八小學校	劉長中 夏毓田	宣統三年二月	一	三五〇、	五	、二七	村會廟產
馬溝區立第九小學校	殷玉珊 趙學海	民國四年三月	一	四一〇、	五	一、一	倡首人捐地
澗河下尖區立第十小學校	馮吉泰 張書田	民國三年一月	一	三三六	三	、五	村會購置
珍珠泡區立第十一小學校	呂福春 孔憲周	民國七年三月	一	三五三	五	一、六	村會購置

以上十一校共教員十一學生五百三十九常年經費四千二百二十

一圓

第一區區立小學校凡十

坐落名	稱	倡助	成立年月	級數	經費數	校間舍數	校址畝數	校址來歷
石嘴子區立第一小學校	趙殿慶 蓋福全	贊助	民國元年三月	一	三三〇、	六	一、三 畝分	村會購置
羅漢廟區立第二小學校	王恒泰 赫景雲	贊助	宣統三年二月	一	二二二、	五	一、一	村會地
梨樹溝區立第三小學校	王岫 滕思賢	贊助	民國元年三月	一	四八〇、	五	一、五	村會購置
大樓房區立第四小學校	毛貴 姜必歧	贊助	民國元年二月	一	二四〇、	五		租用
青美園區立第五小學校	孔廣禮 王太世	贊助	民國二年三月	一	三三〇、	四	、五八	倡首人捐助

通天溝區立第六小學校

李元田
常永曠

民國四年三月

一

三五〇、

五

、二三

贊助人捐助

哈蟆塘區立第七小學校

時清振
崔德太

民國六年三月

一

三四〇、

四

一、〇

村會購置

東 窰區立第八小學校

林子元
王國柱

民國六年三月

一

三六五、

五

二、

村會購置

劈柴溝區立第九小學校

周克中

民國六年二月

一

三五〇、

樓房東區立第十小學校

曲振聲

民國十二年二月

一

二五〇、

以上十校共教員十學生四百四十三常年經費三千三百三十七圓
第三區區立小學校凡十四

坐落名

稱

倡首
贊助

成立年月級

數經費數

校舍數

校舍畝數

校址來歷

五龍背區立第一小學校

于永康
王益武

宣統三年二月

一

四〇〇、

五

一、一六
畝分釐

荒溝區立第二小學校

王鳳鳴
傅廷順

民國元年三月

一

三〇〇、

五

、四一

烏景飛上區立第三小學校

龔日明
秦永財

宣統三年四月

一

三二〇、

五

、三五

烏景飛下區立第四小學校

夏開成
張兆林

宣統三年三月

一

四一六、

四

、三七

荒灣子區立第五小學校

王長春
左德祥

宣統三年二月

一

二八〇、

五

、八二

營台子區立第六小學校

劉治中
王廷韻

宣統三年三月

一

四三二、

八

、五四

大金山灣區立第七小學校

王鴻恩
李殿良

宣統三年二月

一

三四〇、

五

一、五

教育

安東縣立第一小學校

前大東溝區立第十四小學校	葉茂房區立第十三小學校	轉水湖上區立第十二小學校	黑溝區立第十一小學校	前小東溝區立第十小學校	博水湖下區立第九小學校	小金山灣區立第八小學校
單忠	畢允良	徐鳳	林彥貴	赫貴利	趙忠本	傅廷勳
民國六年二月	民國四年二月	民國二年三月	民國二年二月	民國二年二月	宣統二年三月	宣統三年三月
一	一	一	一	一	一	一
二二〇、	四二〇、	三〇〇、	二六〇、	二四〇、	三二〇、	三六〇、
四	四	五	五	四	五	五
二、五	四、	一、九	、九四	二、五	一、四	、八四
王德福捐助	黎主東捐助					

馬福春

謝長富

李春富

許振全

曲華

孫守和

賈克均

以上十四校共教員十四學生五百三十七常年經費四千六百零八圓
第四區區立小學校凡六十

坐落名	稱	倡首	贊助	成立年月	級	數	經費	數	校舍數	校址	畝數	校址來歷
太平山區立第一小學校	孫培棠 唐慶春	唐慶春	孫培棠	宣統三年三月	一	二八〇、	五	二、一				
佛爺溝區立第二小學校	劉聚元 張仁庠	張仁庠	劉聚元	民國二年三月	一	三二二、	五	二、				林兆鳳捐入
榆樹林區立第三小學校	孔繼賢 張振芳	張振芳	孔繼賢	宣統三年三月	一	三〇〇、	五	一、五				倡首人捐入
太平溝區立第四小學校	孔繼賢 牟寅斗	牟寅斗	孔繼賢	宣統三年二月	一	三〇〇、	五	二、				
太平甸區立第五小學校	孔繼賢 吳多三	吳多三	孔繼賢	宣統三年三月	一	三八〇、	七	一、四				吳瑞春捐地五分

卷二 教育

高力橋區立第六小學校

孔繼賢
姜發

宣統三年三月

一

五五〇、

五

一、五

余屯口區立第七小學校

李尊五
王桐春

宣統三年二月

一

四〇〇、

八

一、九

後大東溝區立第八小學校

孔繼賢
張榮恩

宣統三年二月

一

四五〇、

五

二、

後小東溝區立第九小學校

郭振申
孫成彩

宣統三年三月

一

五〇〇、

六

、七

龍泉溝上區立第十小學校

沈書堂
李慶魁

宣統三年二月

一

三九五、

五

一、六

上甸子區立第十一小學校

王悅靈
孔繼賢

民國二年二月

一

三二〇、

五

一、七

龍泉溝下區立第十二小學校

沈書堂
張貴

民國二年三月

一

三二〇、

五

一、八

邊門口區立第十三小學校
 李尊五
 壬乃德
 宣統三年三月
 一
 四九〇、
 五
 一、八

沙林子區立第十四小學校
 宋興邦
 柯恆德
 宣統三年三月
 一
 二九二、
 五
 一、

陡水溝區立第十五小學校
 王鳳歧
 石寶山
 民國三年三月
 一
 三二〇、
 三
 三、五
 劉源昌捐入

沙溝子區立第十六小學校
 宋興邦
 杜鳳閣
 民國二年二月
 一
 二五〇、
 四
 、七
 租用

以上十六校共教員十七學生五百九十四常年經費五千八百四十

九圓

第五區區立小學校凡十六

安民山東區立第一小學校
 呂學文
 李殿榮
 宣統二年二月
 一
 三六〇、

鮮	疊	銅礦嶺南區立第六小學校	五道溝上區立第五小學校	五道溝下區立第四小學校	六道溝上區立第三小學校	六道溝下區立第二小學校
坑區立第八小學校	道區立第七小學校	李獻廷 何永昌	張珺 宋錫九	于振亭 董維仁	王玉福 宋作義	逢本義 辛應庚
王福山 李春盛	李獻廷 李盛林	李獻廷 何永昌	張珺 宋錫九	于振亭 董維仁	王玉福 宋作義	逢本義 辛應庚
宣統二年三月	民國二年三月	宣統三年七月	宣統三年二月	宣統三年二月	宣統三年三月	宣統三年三月
一	一	一	一	一	一	一
三三二〇、	三二一〇、	三三二〇、	四〇〇、	三二一〇、	五〇〇、	三二二五、
五	七	五	四	四	八	五
		二、	一、四	一、		

安民山後區立第九小學校

劉鴻治
劉鴻賓

民國元年二月

一

三一〇、

五

安民山西區立第十小學校

叢殿元
叢德生

民國三年二月

二

五六〇、

六

四道溝區立第十一小學校

張珺
李大鈞

宣統二年三月

一

三五〇、

五

銅礦嶺北區立第十二小學校

李獻廷
王濟彥

宣統三年七月

一

三二五、

三

安民山前區立第十三小學校

劉太占
李滋澤

宣統三年二月

一

三四〇、

四

三道鎮區立第十四小學校

王福義
劉麟祥

民國五年三月

一

三三〇、

五

荒山子區立第十五小學校

王錦章
易雨田

民國六年三月

一

三三〇、

五

銅礦嶺後區立第十六小學校

姜明興
姜輔軒

民國四年三月

一

二二〇、三

以上十六校共教員十八學生八百八十九常年經費

第六區區立小學校凡十七

坐落名

稱

倡助

成立年月級

數經費數

校間

舍數

校址畝數

校址來歷

接梨樹區立第一小學校

馮鈞
張錫雲

民國元年三月

一

三六〇、五

一、二

湯池子區立第二小學校

苗世芳
郭振東

民國四年三月

一

四〇〇、八

陶家溝區立第三小學校

李寶章
陶喜忠

宣統二年二月

二

三一〇、五

河深溝區立第四小學校

廉景漢
廉景彩

民國二年三月

一

三三〇、四

佛爺嶺區立第十一小學校	大孤頂區立第十小學校	脈起山區立第九小學校	混水池區立第八小學校	白菜地區立第七小學校	山谷流區立第六小學校	雪窪區立第五小學校
譚起鴻	劉克臣	柳魁亭 柳珠亭	程賡生	韓景英	譚起鴻 紀方忠	于喜溫 于兆林
民國六年二月	民國五年二月	民國二年二月	民國二年三月	民國元年三月	民國二年二月	民國元年三月
一	一	一	一	一	一	一
三三二〇、	三三二〇、	三五〇、	三七〇、	三六〇、	五八〇、	二九〇、
五	五	四	四	四	八	七
				三、		
				趙明捐入		

卷二 教育

鋪板石區立第十二小學校

宣統三年一月

一

三三〇、

八

槐柏林區立第十三小學校

于習文
王士忠

民國五年三月

一

三三〇、

三

葡萄溝區立第十四小學校

民國十三年三月

一

三二〇、

五

半拉灣區立第十九小學校

徐振聲
官喜武

民國四年三月

一

三四〇、

四

土門子區立第十六小學校

民國十二年三月

一

二三〇、

四

影壁山區立第十七小學校

郭文傑
劉文煥

民國三年三月

一

二六〇、

五

以上十七校共教員十八學生七百七十九常年經費五千六百八十圓

第七區立小學校凡十六

坐落名	稱	倡助首	成立年月	級數	經費數	校間	校舍數	校址畝數	校址來歷
石橋岡區立第一小學校	王隆興 車成文	宣統三年三月	一	三五〇、	五				
大頂子區立第二小學校	趙文成 陳鴻儒	民國元年三月	一	三六〇、	五		二、五		劉成模捐入
人兒石區立第三小學校	鄧元豐 王掄甲	宣統三年三月	一	三七〇、	五		二、		馮學田捐入
大黑山區立第四小學校	黃書春 孫元玉	民國二年三月	一	三二〇、	五		二、		孫元秀捐入
黑山埠區立第五小學校	王忠魁 趙德成	民國二年二月	一	二九〇、	五				
卡倫營區立第六小學校	邵景春 林輝生	民國二年三月	一	三五〇、	三				

貴子河區立第七小學校
 管文泉
 連成德
 民國三年二月
 一
 二二〇、
 五

赤榆頂區立第八小學校
 趙萬成
 王念德
 民國元年三月
 一
 三六〇、
 五

通天溝區立第九小學校
 李鴻甲
 聶德昌
 民國二年二月
 二
 六〇〇、
 八

北礦洞區立第十小學校
 辛繼昌
 王德福
 民國四年二月
 一
 二五〇、
 五

黃岡區立第十一小學校
 辛繼昌
 鞠康鈞
 民國三年二月
 一
 四三〇、
 七
 一二、
 王傳甲捐入

門坎石區立第十二小學校
 黃書春
 趙勸桂
 民國元年三月
 二
 七〇〇、
 八

石灰窰區立第十三小學校
 崔仁山
 劉甲盛
 民國六年三月
 一
 二九〇、
 六

大油盤溝區立第十四小學校
 楊忠義
 薛允謙
 民國十年三月
 一
 三〇〇、
 五
 二、
 楊忠義捐入

龍川區立第十五小學校
 孫錫齡
 谷毓生
 民國十年三月
 一
 四二〇、
 五

滑石廟區立第十六小學校
 劉賢斌
 辛桂五
 民國十四年三月
 一
 二五〇、
 三
 一、
 租用

以上十六校共教員十七學生六百八十六常年經費五千八百五十圓

第八區區立小學校凡二十四

坐落名
 稱
 倡助
 首
 成立年月級
 數
 經費數
 校間
 舍
 校址畝數
 校址來歷

棋盤山區立第一小學校
 劉正君
 楊春芳
 宣統三年二月
 一
 三五〇、
 五

小寺西區立第二小學校
 牛福春
 李成武
 宣統三年二月
 一
 三六〇、
 五

七股頂區立第三小學校

曲日新
姜願學

宣統三年正月

一

四〇〇、

五

頭道溝區立第四小學校

譚恕連
吳廷魁

宣統三年二月

一

二一〇、

五

榆樹房區立第九小學校

吳廷魁
曲振聲

宣統三年二月

一

三〇〇、

六

柞木山區立第六小學校

于錫山
侯仁峰

民國元年三月

一

三六〇、

五

日新街區立第七小學校

于鴻恩
姜殿鰲

民國二年三月

一

三五〇、

五

廣七山區立第八小學校

王文升
李逢河

宣統三年二月

一

二九〇、

五

長尾岡區立第九小學校

黃秀峰
劉元聖

民國二年三月

一

九二〇、

五

小寺東區立第十小學校	李仁慶 張成文	民國二年三月	一	一五〇、	五		
新道西區立第十一小學校	劉祿 王元信	民國元年四月	一	三二〇、	五		
古溝崖區立第十二小學校	鄒祥利 李世欽	民國三年三月	一	三三〇、	五		
新溝崖區立第十三小學校	王德欽 孫文魁	民國四年三月	一	三五〇、	四		
土房身區立第十四小學校	蓋廣曾 楚廷剛	民國元年四月	一	三五〇、	五		
富貴房身區立第十五小學校	連福保 王連義	宣統三年二月	一	三二〇、	六		
龍門嶺區立第十六小學校	張陽春 譚昌蓮	民國六年三月	一	四五〇、	五	一、	張恆春捐地

卷三 教育

安東宏業號鉛印部代印

宣 城區立第十七小學校	前陽山區立第十八小學校	麻子溝區立第十九小學校	石佛山區立第二十小學校	團山子區立第二十一小學校	橫溝區立第二十二小學校	八棵樹區立第二十三小學校
李占豫 徐吉玉	王貴德 夏炳南	隋享國 孫惠興	姜連才 趙金墀	孫惠興 于德滋	姜連才 李魁東	
民國元年二月	宣統三年二月	民國三年四月	民國二年三月	民國二年三月	民國八年四月	民國十年二月
一	一	一	一	一	一	一
二六〇、	三五〇、	三五〇、	三一〇、	二七〇、	二七〇、	二三〇、
五	九	五	五	三	五	五
					、九二	
					李魁東捐助	

黃柏樹區立第二十四小學校

汪天成
孫秉正

民國九年三月

一

二五〇、

四

八

四

以上二十四校共教員二十四學生九百三十五常年經費七千六百七十圓

城區私立小學校凡四

地址校

名倡
贊助首

成立年月級

數經費數校舍數

舍校畝數

校舍來歷

官電街私立第一小學校

孫文清
俞煥宸

宣統三年二月

一

三一〇、

三

租用

八道溝私立第三小學校

民國七年二月

一

五五〇、

四

租用

興東後街私立第四小學校

民國十二年二月

一

三〇〇、

五

租用

鎮安橋私立第六小學校

李獻順
張忠

民國六年二月

一

二四〇、五

五

租用

以上四校共教員四學生一百四十五常年經費一千四百圓

第二區村立小學校凡三

地址名

稱贊
倡助

成立年月級

數經費數校舍數

校舍畝數

校舍來歷

小樓房村立第一小學校

崔忠義
陸耀

民國六年三月

一

二三〇、四

、七五

租用

韭菜園村立第四小學校

民國三年二月

一

三〇〇、

哈蟆塘北村立第五小學校

民國三年二月

一

三五〇、五

五

以上三校共教員三學生一百五十八常年經費八百八十圓

第三區村立小學校凡一

地 址 名	稱	倡 助	首 成 立 年 月 日	級	數	經 費 數	校 舍 數	校 舍 畝 數	校 舍 來 歷
三級台私立第一小學校	馮克智 張德峻	張德峻	民國六年二月	一	一	一九〇、三			

以上一校共教員一學生二十七常年經費二百圓

第五區村立小學校凡二

地 址 名	稱	倡 助	首 成 立 年 月 日	級	數	經 費 數	校 舍 數		
五道溝裏村立第二小學校	鄭衍懋 姜如九	姜如九	民國二年二月	一	一	二六〇、四			
三道溝村立第四小學校	曲雲章 于心廷	于心廷	民國七年二月	一	一	二三七、四			

以上二校共教員二學生七十九常年經費四百九十七圓

第六區村立小學校凡三

地 址 名	稱	倡 助	成 立 年 月 級	數 經 費 教 校 舍 數
板 橙 樹 村 立 第 四 小 學 校			民 國 十 二 年 二 月 一	一 二 三 〇、
沙 岡 村 立 第 六 小 學 校			民 國 十 三 年 二 月 一	一 二 三 〇、
黑 老 石 村 立 第 七 小 學 校		劉 永 王 仁 芳	民 國 十 六 年 二 月 一	一 二 三 〇、

以上三校共教員三學生一百二十七常年經費七百二十圓

第八區村立小學校凡二

前陽山東村立第六小學校 谷盛福

民國十五年二月

一〇〇

麻子溝東村立第七小學校 周元麟 王德俊

民國五年八月

一九〇、

以上二校共教員二學生四十四常年經費三百圓

附外國設立學校

丹國基督教立學校凡五

元寶山基督教立三育小學校 于承恩 王綏之

光緒三十四年

一八〇〇

二五一、二

大東溝基督教立三育小學校 于承恩 張德春

民國三年三月

一三〇〇

九

元寶山基督教立文化女

學校 學郭慕深

民國二年 月 一

九

以上三校共職教員七學生一百七十六常年經費除收學費外悉由丹國教會補助

基督教立三育中學校 設於二區劈柴溝清宣統三年丹人于承恩牧

師及安東教會諸領袖所創立意在補助中國教育之不足以期培養中國青年以普通智識及實業之技能首重園藝定名曰園藝學校當時租用民房三間聘教師一人學生十一人民國成立逐漸購買校地二百零六畝建築草房七間始具規模惟開辦基舍及常年經費皆由牧師一人苦心籌措民國二年因經費無著幾至停辦適于牧師歸國道出美洲到

處演述該校之宗旨際有熱心美人樂善好施慨然捐助美金若干圓于牧師携款返華復改收學膳等費並售出苗木若干圓遂增修校舍擴充學級高等生增至四十名國民生三十餘名神校生十二名民國八年丹國老教會特派包樂深牧師爲校長乃注重普通知識不偏重園藝力加經營遂更名爲三育中學校先後建築樓房爲居室教室及禮拜之所而教員學生寢室膳廳圖書儀器閱報等室亦次第建築民國十年丹國老教會派郭維道專任園藝事宜現有高中一級初中一二三年級初小一級高小兩級職教員十四生徒一百五十餘人

基督教立神道學校 設立劈柴溝三育中學校內原有簡易神學一級
民國十二年丹國老教會派外德勞牧師爲校長同包樂深牧師專辦神

學先築瓦屋數椽爲眷屬居室繼築教室三間宿舍五間廚室一間招立志傳道生徒十七人經費全由丹國老教會補助

基督教立幼稚園 附設元寶山文化女學校內民國九年丹國教士郭慕深女士創立校室二間教員室廚室均附女學校內教員一男女幼稚生三十五經費由安東基督教會捐助

日本滿鐵事務所立學校凡七

安東中學校 設於七道溝驛前通大正十四年四月成立生徒一百七十三人

高等女校 設於七道溝堀割北通大正十二年一月十二日成立現有學生三級共二百七十一人

尋常高等小學校 設於七道溝八番通二丁目原名日新學堂專以教授中國子弟日語爲目的嗣日本居留者日多學齡兒童亦激增就學者衆遂改爲尋常小學校收容日本兒童校舍狹隘不能容明治三十九年七月即光緒三十二年日軍政官高山公通氏在五番通六丁目新築校舍開始授業是年十月軍政撤廢行政委員會管理繼歸民團所管大正六年三月民團委託滿鐵會社經營在今地新築校舍七年十月落成現有學生二十四級一千一百零六人專任教員二十八人

尋常小學校 設於六道溝大正十二年一月成立現有學生八級學生二百九十八人專任教員十人

家政女學校 附設小學校內大正六年六月一日成立生徒大部分繼

承舊民團立實業補習學校普通科女子部現有本科專科各學生七十
三人專任教員一兼任教員三

實業補習學校 附設小學校內大正六年六月一日成立明治四十

一年即光緒三十四年創立安東實業學校大正元年改稱今名內分專門
普通二科專門授英語中語簿記商業算術四科普通科又分男女二部
男子部授中語日語算術理科與專門科同夜間教授女子部授國語算
術裁縫家事唱歌體操爲必須科手藝生花點茶各科爲隨意科書間教
授大正六年三月末安東小學校舊校閉鎖滿鐵會社繼續經營以是校
附設於安東小學校教授英語中語日語算術及商業五科生徒大部分
繼承民團立實業補習學校現有學生十六級二百七十三人專任教員

一兼任教員十

普通學校 設立七道溝七番通六丁目大正三年二月創立初爲安東小學校之一部漸次學生增加大正七年新築校舍於今地十一月遷入現有學生五百八十四人

幼稚園 有二一爲滿鐵會社經營係幼兒運動場在五番通大正二年創設現有兒童八十一專任保姆一一爲民團管內安東幼稚園在山下町明治四十三年頃市民有志共同經營或民團經營幾多變化以至於今爲民團公營現有幼兒九十七專任保姆三

中日共立之學校一

中山懇親學校 在財神廟街銀市院內民國二年七月一日成立專爲

中日兩國商家子弟及青年等語學教授以連絡親善爲目的安東商務總會安東商業會議所合辦經營其經營費中日兩商會均等分担規定講員兩商會派出夜間二時間教授其經營狀況如左

監督一（中國道尹日本領事）

學監二（商務總會會長商業會議所會頭）

評議員十（中日兩方各五名）

講員若干（兩商會派遣）

教授科目 日語科 初等高等研究各科普通語學練習兼單文學習

華語科 全上

修業年限 一年畢業每年七月一日爲始六月末爲終其夏冬兩期休

業外兩國祝祭忌辰等均休業

社會教育

巡行文庫 民國二年由自治會撥款置備社會教育書籍若干卷供人閱覽以教育公所爲總機關鄉鎮六區自治公所爲巡行地依次閱畢由縣更換三年自治停辦管理無人書皆散佚矣

講演會 民國二年五月勸學員長姜日德與社會教育事務員劉堯臣組織社會教育講習社考取社員十八人冬期畢業開會講演經費由自治會担任三年春自治停辦社會教育經費無著由教育公所督飭社會教育事務員並講習社畢業諸人維持現狀旋經呈准指撥經費賡續講演劉堯臣周鳳陽歷充講演員五年因經費不足暫行停辦六年秋復設

講演所一處王奉璋劉堯臣先後委充講演員七年八月省視學鄭興文視查報告安東社會教育機關形同虛設奉省長指令應行取銷以省公款九月遵令裁撤經縣教育會呈請恢復由東邊道尹委科員岑啓瑞會同縣署查明社會教育各機關無成績可言暫緩恢復十四年由市政公所撥款小洋一千八百餘圓在新安街南端創辦安東市立通俗教育講演所一處聘前縣立第三小學校長徐典章爲講演員外有庶務書記差役各一人與市立圖書館兼用於是歲五月成立六月一日正式講演聽者頗形踴躍每日平均人數四五十人附閱報室訂購各種報紙多份每日閱報者約五六十人開辦以來頗受社會贊許安東社會教育爲之一振

附市立通俗教育講演所簡章

第一條 本所定名爲安東市立通俗教育講演所

第二條 本所以啓導國民改良社會爲宗旨

第三條 本所設講演員一人擔任講演並管理所內一切事務

第四條 本所爲繕寫事宜得設僱員一人

第五條 本所講演分普通特別二種其要項如左

(一) 普通講演要項如左

一 鼓勵愛國

二 勸勉守法

三 增進道德

四灌輸常識

五啓發美感

六提倡實業

七注重體育

八勸導衛生

九改良習俗

(二)特別講演要項如左

一關於臨時事變者如國內國際之天災事變等

二關於特別地點者如監獄感化院等

第六條 本所講演每日兩次時間如左

午後一時至三時一次

晚間六時至八時一次

第七條 講演員應按照第四條講演要項選定題目編撰演稿練習純熟切實講演並於未講前將講題揭示俾衆週知

第八條 講演員應將逐日講演題目聽講人數造具一覽表講演底稿彙編成冊按月呈送市政公所查核備案

第九條 本所得酌量情形置備左列各種輔助品

- 一 理化試驗之儀器標本
- 一 幻燈及活動影片
- 一 各種教育圖畫

一 風琴留聲機等

第十條 本所得附設閱報室

第十一條 本所簡章如有未盡事宜得隨時增修之

附市立通俗教育講演所聽講規則

第一條 凡市民在講演時均可自由入室聽講

第二條 聽講者魚貫入場依次列坐

第三條 聽講者不可任意喧嘩及動作

第四條 聽講者不可吸烟及食瓜果等物

第五條 聽講者不可任便吐痰以重衛生

第六條 聽講者有疑問時須俟講演完畢再行發問

第七條 講演時間依本所講演規則定之

第八條 講題由講演員時前或臨時宣佈

第九條 講演室內備有水及壺盃休息時得自行取飲

第十條 本規則有不適用時得隨時修正公佈

第十一條 本規則自公佈之日施行

附公共閱報室閱報規則

第一條 本室各種報紙專供市民公共閱覽之用

第二條 閱報者得自就報架選擇閱畢仍置原架不得任意放置

第三條 閱覽時務宜肅靜不得朗誦及大聲偶語致妨他人閱覽

第四條 閱覽室內禁止吸烟及任意痰唾

第五條 各種報紙祇限在室內閱覽不得携出室外

第六條 如有剪切像片撕落篇幅須按原價賠償

第七條 閱覽時間每日由午前九點鐘起至十二點鐘止如有變更臨時公佈

第八條 本規則有不適用時隨時修正

第九條 本規則自公佈之日施行

簡易識字學校 民國三年成立附設教育公所及城鄉縣立各學校內共七處欸由社會教育經費項下開支此種學校本爲貧家子弟無力就學及工廠學徒失學者而設惟貧人子弟多爲人傭工勞碌終日旣不肯就學工廠學徒監工者嚴禁外出亦不得自由入學致招生困難推廣匪

易而鄉間居戶星散招生亦甚窒礙雖各區勸辦次第設立均以學生人數太小來去無常毫無成績先後停止五年冬勸學所添設一級每日晚六時至八時爲教授時間七年八月省視學鄭興文視查誤報以爲形同虛設奉令裁撤當以簡易識字學生一級四十五人肄業半載有餘中途解散未免可惜遂歸併縣立第一國民學校賡續辦理八年暑假畢業新生未能招足遂行停辦

平民學校 平民教育創始於晏陽初當歐洲大戰華工在法者達二十餘萬類皆目不識丁晏陽初留美耶魯大學應召至法從事義務教育頗著成效回國後在長沙烟台各地試辦成績卓著風聲所及全國響應民國十二年安東教育經費預算有籌平民學校款洋三百元十一月十八

日由教育公所召集各校校長會議僉以此項平民學校不宜單獨設立應附設各學校內以省經費暫行開辦七級附設市內縣立各學校者五級每級由公款補助小洋六十元附設華商學校暨回民學校者各一級經費由各該校自行籌備不由公款補助定於十三年春季開學時成立擬具簡章十三條經教育廳批准備案屆期各校同時遵辦華商學校招男女生各一級總計八級而青年會亦同時招收平民學生數級十四年八月市立通俗講演所招收平民學生一級是平民教育城市已有發達之象鄉村中除農科職業學校內曾經一度創設不久停頓其他鄉村學校附設平校者未之有聞每年招生兩次裨益社會者良多欲謀教育之普及宜於鄉村推廣平民學校也

縣立第一平民學校 附設元寶山縣立第一小學校學生一級十三年

三月成立

縣立第二平民學校 附設天后宮街縣立第二小學校女生一級十三

年三月成立

縣立第三平民學校 附設道署街縣立第三小學校學生一級十三年

三月成立

縣立第四平民學校 附設自新街縣立第四小學校學生一級十三年

三月成立

縣立第五平民學校 附設東坎子縣立第五小學校學生一級十三年

三月成立

公立第六平民學校 附設官電街回民小學校學生一級十三年三月
成立

公立第七平民學校 附設七道溝新市街華商小學校學生二級十三
年三月成立

教立平民學校 附設興隆街青年會內現有學生五級十三年三月成
立

市立平民學校 附設新安街市立通俗講演所學生一級十四年八月
成立

附縣立平民學校簡章

一宗旨 平民學校之設立以期社會人人識字教育普及救濟學校教

育之不逮爲宗旨

二名稱 平民學校不單獨設立附設某學校即名曰某學校附設平民學校

三經費 每級由公欸補助小洋六十圓但以縣立者爲限畢業後須造具計算書送所核銷經費之支配如左

一購買平民千字課

一購買掛圖

一教員津貼

一雜費（柴炭筆墨紙張等）

四校數 暫以五校爲限即於縣立第一第二第三第四第五五立各附

設平民學校一級俟經費充裕再依次推廣於其他各校至公私立學校願附設平民學校者須由各該校自籌經費

五教職員 教職員均由附設學校教職員兼任

六學生額數 每級以六十人爲限

七入學資格 以年在十二歲以上六十歲以下不識文字者爲合格縣立第二小學附設之平民學校並以女子爲限

八學科 平民千字課珠算兩項

九教授時間 每日教授兩小時在附設學校下課後行之

十畢業期 四個月畢業發給證書

十一供給 平民千字課由公家供給算盤由附設學校生借用石板石

筆(練習寫字)由學生自備

十二教員津貼 每日担任教授一小時者一月津貼小洋二元

十三 本簡章有未盡事宜得隨時修正呈報備案

市立第一小學校 設立崇健後街原名貧兒學校專召貧家子弟無力就學者民國十二年陽曆七月由白慶年創辦初無校舍借新民街私立第二學校爲臨時教室暑假一月期滿因無經費租賃房舍在元寶山草亭行露天教授三閱月際冬令天寒租崇健後街瓦屋二間由東邊道王道尹安東縣關知事及各界紳士贊助捐助小洋數百元爲開辦費商民張鐘興特捐小洋二千圓是歲十月實行成立嗣因學生增加校舍狹隘遂遷新闢街租瓦屋六間期年成練卓著求學者日衆增租校左瓦屋四

間共十間分三級教授非常擁擠十五年春由市政公所撥款辦理改定
今名十七年三月又遷今地租用校舍十七間現初小三級教職員四學
生三百二十五內有女生七十五月支俸給公雜等費現小洋一百五十圓
圖書館 創始於民國二年秋由自治會捐款購置圖書附設教育公所
內規模狹小至民國五年因經費不足暫行停辦八年春陳漱六大令注
重社會教育由公益捐項上提撥三千餘圓益以總商會之款共五千餘
元購置遜清宮保金息侯所藏圖書一千五百餘種一萬一千餘冊陳列
元寶山前劇樓名曰安東公立圖書館供人閱覽置館長一人爲之經理
全年經費由總商會擔任十二年春因圖書被竊若干冊遂行封鎖至十
四年安東市政公所創辦通俗教育借用總商會舊有圖書八十箱一千

五百九十八種一萬一千四百二十五冊並新購圖書四千一百二十冊計分八門第一史子集及詩文雜鈔函牘第二哲學教育第三歷史地理傳記第四數學物理化學博物第五法律政治經濟社會第六農業工業商業第七醫學兵學藝術第八叢書常識雜誌小說雜書都爲三十類陳列市內新安街南首樓上下爲閱覽室名曰安東市立圖書館八月一日開館地址適中閱覽人數平均日常四十餘人設主任一事務員一僱員一歲費大洋二千三百圓

附市立圖書館章程

第一章 總綱

第一條 本館隸屬於安東市政公所定名爲安東市立圖書館

第二條 本館以蒐集圖書供給公眾閱覽爲宗旨

第三條 本館對於閱覽者概不收費

第二章 職員及職務

第四條 本館設主任一人事務員一人

第五條 主任秉承市長總理全館事務並處理左列事項

一關於辦理公文事項

一關於館內經費預算編造事項

一關於圖書選購事項

一關於圖書檢查及清理事項

一關於閱覽圖書出納事項

一關於圖書出納及閱覽人之統計事項

一關於圖書分類編號及編製目錄事項

第六條 事務員承主任之命處理左列事項

一關於整理書架事項

一關於圖書撥付出納處事項

一關於器具購置及保管整理事項

一關於款項帳簿經理及保管事項

一關於館舍掃除及清潔事項

一關於圖書曝曬及消毒事項

一關於圖書裝訂及修補事項

一關於館役考勤事項

一關於主任臨時指揮事項

第七條 本館主任每屆年終應將辦理情形編爲報告呈報於市長但

關於圖書出納及閱覽人之統計須每月呈報一次

第八條 本館爲繕寫事宜得設僱員一人

第三章 開館時間及休館日

第九條 本館每日開館時間如左

自三月一日至九月底每日午前八時至十二時午後一時至五時
自十月一日至二月底每日午前九時至十二時午後一時至四時

第十條 本館於星期日照常開館星期一休館一日檢查書籍新年休

館三日國慶日紀念日春節夏節秋節冬節均休館一日臨時休館
隨時定之

第十一條 本館於七月間舉行曝書休館十日起止日期由主任臨時
定之

第四章 附章

第十二條 本館閱覽規則另定之

第十三條 本章程如有未盡事宜得隨時增修之

市立圖書館閱覽規則

第一條 閱覽本館圖書須先至出納處索取閱覽證一紙自就目錄櫃
檢查寫明書名號數冊數及閱覽人姓名職業住址向出納處提取

閱畢出館時如數繳還

第二條 閱覽人每次取閱圖書數目須依左之定限

本裝書三種十二冊

洋裝書三種四冊

本裝書洋裝書同時閱覽者照前項之定限洋裝書一冊照本裝三冊計算

第三條 圖書閱畢須自行繳還不得展轉傳閱或倩人代繳

第四條 圖書繳還時須視出納員將閱覽證上原填書名註銷始得離館以免錯悞

第五條 閱覽圖書須保持原狀不得圈點折疊如有損壞須賠償相當

價格

第六條 閱覽人如見書中有錯悞之處須另紙記明書名卷數頁數報告本館更正不得自行添註塗改

第七條 如失落本館圖書須按原價二倍賠償

第八條 瘋癲及有傳染病者不得入館閱覽

第九條 閱覽人如違背本規則或不依本館臨時指示者得令出館

第十條 閱覽室務宜靜默並不得吸烟食物

第十一條 本規則如有未盡事宜得隨時增修之

報社

警察公報 迎鳳街警察廳內編輯日銷三千餘份

新安東日報社 設安東元寶山鄒家胡同日銷五百份

東三省公報分館 設埠內廣濟街民國四年設立經理一訪員一專以

售報爲宗旨日銷二百八十餘份

上海新聞報 由東三省公報分館代理日銷六十餘份

天津益世報 由公報分館代理日銷七八十份

北平日報 由公報分館代理日銷一百八十餘份

華北日報 財神廟街呂載福代理日銷一百五十份

上海申報分館 由公報分館代理日銷二百二十份

新天津報 金湯街中華派報社代理日銷七十份

外商報館分社

盛京時報分社 設埠內天增胡同日銷二百餘份

滿洲日報分館 由東三省公報分館代理日銷五百二十份

泰東日報分館 設埠內道署後街日銷二百餘份

安東縣教育月刊 編輯處及發行處均附教育公所內民國十二年秋
由教育公所所長張鴻鈞發起創辦設總經理一副經理一編輯八庶務
會計各一以宣佈教育公牘研究教學方法灌輸教育知識促進地方教
育爲宗旨內容分爲公牘論著研究譯述調查選錄紀載通訊文苑雜俎
十門印刷費由各校均攤職員辦公費用及投稿酬金由全縣教育會金
提撥三分之一充作的款月出一冊全年十冊

附安東教育月刊發刊詞

張鴻鈞

教育事業經緯萬端司其事者必富有研究之精神確定進行之方法乃克措施適當漸期發達教育月刊之發行心乎久矣惟是籌辦事務無欸胡成編纂稿件靡人不立民國九年秋曾一度倡議而未果行論者惜之去年秋復與教育同人一再規畫幸就緒焉茲當發刊伊始略申其悒各校職教員率皆注意學校事宜而於教育行政事務不免多有扞格今也行政公牘隨時宣佈既免隔閡並可藉以明悉全縣教育之情狀況乎各校教授之善否以縣視學報告最爲詳明布諸有衆俾知某也教授善某也教授不善擇善而從不善而改於是善者愈求其善而不善者亦漸進於善矣此爲宣佈教育公牘計其悒一也教育效率之大小以施教者之得法與否爲轉移得其法事半功倍不得其法事倍功半關係學生之前

途非淺鮮也獨是欲得良法非共同研究不爲功教育同人散在各校開
會討論勢有不便惟有藉月刊得以各抒己見交相指正集衆人之智力
定切當之方法此爲研究教學方法計其悒二也方今教育學說日新月
異而歲不同必有新知識始有新計畫若以一得自封而欲與人爭衡豈
可得乎藉茲月刊介紹世界最新之學說登載中外名人之偉論人手一
編可資參稽而增學識此爲灌輸教育計其悒三也安東地接強鄰國防
攸關教育之振興刻不容緩顧茲事體大非一人之力所能勝任所望教
育同人殫精竭慮同負策畫之責期收美滿之效鄙人學疏才淺惟嘉謀
之是求聞善言而必拜此爲促進地方教育計其悒四也且教育界待遇
極薄物質方面徒有苦惱而無樂趣惟有提起研究之精神講求文化之

生活於學問中求樂趣則物質上之苦惱自因之而減殺孔子曰飯疏食飲水曲肱而枕之樂亦在其中顏子一簞食一瓢飲在陋巷不改其樂夫疏食飲水簞食陋巷本非可樂之境惟以孔顏胸有學問之眞樂故境遇雖極困而樂亦無不在焉學校之教管兒童之心情其中皆有至微至妙之理苟能用力求之一旦融會貫通發明心得當必眉飛色舞樂而忘憂至若以一己之心得播之四方爲一般教育者所取法其樂更無窮矣凡我同人願共勉旃

學田 安東教育公產除清季創辦學校當事者陸續呈准變賣作爲開辦經費不計外舊有啓鳳書院街基地九百餘畝向收地租年納一千八百餘元由安東總商會經收撥助學款及醫院經費各半自設治以來爲

地方團體私有基本財產民國七年辦省公債由總商會會長王建極提議經陳漱六大令呈准歸入免價清賦案內并其他官有街基舊但納租而無土地權者一律丈放改租爲課令各地戶均購七年省債共大洋六萬元以各半債票撥作學款及醫院永久基金其餘江灘水泡蠶場稻田或由報領或由捐給民國十二年奉省令清理學田案由縣視學會同教育所長確實調查全縣學田共有十四處計教育公所有江灘二處蠶場水泡各一處湯池子小學校有稻田旱田蠶場各一處高力橋小學校有蠶場三處邊門口小學校有蠶場二處轉水湖小學校有稻田蠶場各一處除水泡一處教育公所於民國十三年因無地上權不得實利呈准教育廳指令變賣將價款存儲生息作爲教育基金不計外餘十三處按照

十二年教育公所陳報清理學田情形列表於左

安東縣學田一覽表

坐落	畝數	四至	來歷	原訂租價	另議租價	比較增減	用途	備考
江灘一處	十五畝八分	東至溝西至石路南至王文榮北至王文榮	民國八年六月報領	租期十年每年小銀元二	租期三年每年小洋八元	三百四十	教育經費	
東坎子	六釐八毫八絲五忽	東至邵李二姓西至李姓南至大江北至水溝	同	租期十年每年小銀元二	租期三年每年小洋九百元	六百三十元	同	
江灘一處	一百七十	西至李姓南至大江北至水溝	同	租期十年每年小銀元二	租期三年每年小洋九百元	六百三十元	同	
東坎子	二畝七分	東至溝心西至山頂南至福蘭北至邊輪岡徐姓	於民國五年經審判廳判作教育基本財產	歷租期六年壓價小洋票一百一十元	租期三年價共小洋票一十八元	一百九十元	教育經費	以上江灘山場三處學田歸教育公所管轄
放盤山場一處烏景飛	三把剪	東至王姓溝西至王姓溝南至王姓北至道	民國八年關帝廟捐給該校	租期一年稻子一石五斗	租期一年稻子二石五斗	一石	同	
楊田一處湯池	五畝	東至郭姓西至郭姓南至道北至該校山場	同	租期一年租期一年包米二石米二石一斗	租期一年包米二石米二石一斗	一斗	同	
子學校正西	十畝	東至郭姓西至郭姓南至道北至該校山場	同	租期一年租期一年包米二石米二石一斗	租期一年包米二石米二石一斗	一斗	同	

放盤山場一處 池子學校正西	不足半把剪	東至郭姓西至 姓南至該校北 至分水嶺	同	租期一年小 洋票五元	租期一年小 洋票五元		同	以上湯池子三處學田 歸湯池子小學校管轄
放盤山場一處 高力橋三道溝	一把半剪	東至岡西至溝門 南至岡北至岡	民國四年四月 由高力橋村會 撥給該校	租期一年小 小洋票二 百一十元	租期一年 小洋票二 百三十元	十元	同	
放盤山場一處 高力橋頭道溝	一把剪	東至戴姓岡西至 林姓岡南至小河 溝北至老岡	同	租期一年小 洋七十二元	租期一年小 洋票八十元	八元	同	
放盤山場一處 高力橋王寶石	半把剪	東至王姓岡西 至王寶石南至 河北至岡	同	租期一年 小洋票三 十五元	租期一年小 洋票四十元	五元	同	以上高力橋三處學田 高力橋小學校管轄
放盤山場一處 邊門口杏樹溝	三把半剪	東至冰湖清心西至 頭道溝南至大岡北 至千台小石廟	民國六年六 月報領荒山	學校與佃戶二 成十分之二佃戶 得十分之八	租期三年共小 洋票五百元		同	以上邊門三處學田 歸邊門口小學校管轄
放盤山場一處 邊門口朝陽溝	半把剪	東至大岡西至大 黑溝南至東山岡 下北至大岡	同	同	租期三年共小 洋票九十九元		同	
放盤山場一處 水湖碑截子	五畝	東至張姓西至 謝姓南至張姓 界石北至河	民國七年八月張 金芳捐與該校	學校與佃戶四 成十分之四佃戶 得十分之六	租期一年小 洋票四十元		同	
放盤山場一處 轉水湖陡坎子	三把剪	東至岡西至河溝南 至大岡北至分水岡	民國六年 報領荒山	學校與佃戶二 成十分之二佃戶 得十分之八			同	以上轉水二處學田 歸轉水湖小學校管轄
統計								

